

John Carter Brown.






1399 506  
B

Enlarged from the edition of 1581  
v. Tenann 1581 No 149.








This Gd: not on Sunday.





The title page is framed by an elaborate architectural design. At the top is a pediment containing a circular coat of arms. The main text is set within a rectangular frame supported by two winged cherubs (putti) on the left and right. The bottom of the frame features a decorative base with a central oval medallion depicting a sailing ship. The text is printed in a mix of bold, all-caps serif and smaller, italicized serif fonts.

LAVRENTII  
GAMBARAE  
BRIXIANI

DE NAVIGATIONE  
*Christophori Columbi*

LIBRI QVATVOR.

EDITIO COPIOSIOR.

AD ANTONIVM  
Perenottum Card.  
Granuellam.

SVPERIORVM PERMISSV.

ROMAE. MDLXXXV.

*Ex Typographia Bartholomei Bonfadini & Titi Diani.*



Si quid imprudēter fortasse dixerō,  
quod ab Ecclesiæ Romanæ doctrina,  
vel consuetudine sit alienum, id præter  
animi mei sententiam dictum, indictū  
esse volo: meque, scriptaque mea om-  
nia eiusdem Ecclesię iudicio, & corre-  
ctioni subijcio.

Laur. Gamb. Brix.



JOHN CARTER BROWN

ANTONIO PERENOTTO  
CARDINALI  
GRANVELLANO.



Laurentius Gambara Brixianus S.



OV I Orbis poema tuo nomini dicatū  
mitto ad te, Cardinalis amplissime,  
quod ab excellentissimo, eodemq. pru-  
dentissimo Nicolao patre tuo, atq. à  
te ipso potius, quam à me prodit in lu-  
cem. Tu enim eo tempore, quo deu-  
ctis Afris, Turcisq. profligatis, Caro-  
lus Imperator Neapolim venit, sæpe mihi memorando iu-  
cundissimam simul, ac Christianæ reip. vtilissimam Chri-  
stophori Columbi navigationem, in qua multas regiones à  
nostro orbe longissime disiunctas, easq. & fertilissimas,  
& opulentissimas, priscisq. ignotas inuenit, hortatus es,  
atq. adeo pro iure tuo, vt ea Latinis versibus conscriberē,  
iusfisti. Quæ sane navigatio eo verior existimanda est,  
quod ab ipsomet Columbo præclarissimo auctore pater  
tuus eam accepit, cum esset Barcinonæ, atq. aliquot post  
annos maximo ipsi Casari Carolo Quinto summa cū eius  
voluptate narrauit: quo tempore omnia & Imperij, & re-  
gnorum eius negotia primus a consilijs administrabat, eius-  
que sigillorum custos erat: in cuius demortui locum, cum  
ab eodem Carolo (qui te semper maximi fecit) tu adhuc se-

re adollescens subrogatus fuisses, summaq. eo superstite ne-  
gotia obiisses; tum Philippus Rex Catholicus, Caroli  
Quinti filius te sēper ad maxima quęq. munera adhibuit,  
ac cum postremo Neapoli Prorex summa tua cum laude  
diu fueris, deinde ante biennium in Hispaniam ab ipso Re-  
ge euocatus, non solum Italas, & Belgicas, verum etiam  
plurimas alias res indefesso illo, & prudentissimo tuo pe-  
ctore administras. Ergo rerum adeo mirabilium ab ipso  
met auctore explicata narratio calcar mihi addidit, vt po-  
steritati verissimam, & admirabilem historiam, abiectis  
fabulosis alijs poematibus, longis versibus scriptam relin-  
querem. Ita enim putavi fore, vt & facilius memoria re-  
tineretur, atque animis altius infixæ mentes omnium ac-  
cenderet ad commendandam diuinæ potestatis gloriam,  
cuius vi Columbus, natus Cugureo, quod castrum est  
in territorio Genuensi, tam insigne factum effecit. Cæ-  
terum quod ad me attinet, opus ipse hoc tam arduum,  
& difficile, viribusq. meis impar te monente inchoavi, &  
Christo IESU Domino aspirante absolui: qui longe late-  
que sanctissimum suum nomen, vbi nunquam antea auditū  
fuerat, hac mundi nouissima ætate, immensa illa sua proui-  
dentia voluit propagari; ac certe, quod ipse prædixerat de  
annuntiando per vniuersum terrarum orbem Euangelio, id  
nostro hoc seculo factum cernimus: ac proinde firmiter in  
reliquis fidei nostræ certissimis articulis corroborari debe-  
mus. Christus igitur tibi materiam, & desiderium, mihi  
autem vires ad hoc poema conficiendum largitus est. Quā-  
obrem quisquis hæc leget, si quid inde fructus percipie-  
tur, Deo quidem in primis, ac deinde tibi acceptum refe-  
ret, cui omnia hæc merito dicata fuisse intelliget.



# IN MARIAM VIRGINEM.



Atre Deo Deus est, atq; immortalis Iesus,  
Matre homo, mortalisq; simul: purissima  
partu,  
Quem dedit in lucem hanc nostram Gali-  
leia Virgo.

Non illi graue pondus erat, quod ventre gerebat:  
Cum lumen, verbumque Dei, non pondus haberet.

Felix ante alias, celi quæ facta fenestra es,  
Per quam perspicuum lumen diffudit in orbem  
Terrarum, æterni proles illa inclyta Patris.

Scalaque facta polies, per quam conscenderet altum  
In cælum mortale genus, mandata secutum:  
Quæ iussit Pater Omnipotens, rerumque creator.

Tu nitidum iubar es, summi tu ianua cali,  
Atque Dei templum est venter tuus aurea Virgo.  
Tempora nec mirum est, tua si bisseña coronant  
Sidera, nam tuus ipse suo cum lumine Christus

*Iustitia Sol caelesti te uestit amictu,*

*Tuque pudicitie speculum admirabile: nanque.*

*Nulla in te macula est, tu prestantissima virgo*  
*Es longe formosa, licet sis fusca colore.*

*Tu generis nostri longe prelata puellis*  
*Omnibus, es Patre ab eterno, & quem non capit orbis*  
*Maximus. ille tua clausit se Christus in aluo.*

*Filia tu, tu sponsa Dei, tu mater Iesu,*  
*Mortales fuso maculas, qui sanguine terfit.*

*Exora MARIA ALMA tuum natumque Patremque,*  
*Ut nunc susceptum valeam percurrere munus,*  
*Pandere & huic nostro tot regna incognita seculo,*  
*Et fer opem (vt solita es) nostris virgo inclyta cæptis.*





7

# AD LAURENTIVM GAMBARAM

DE SVA COLVMBI NAVIGATIONE.

Iosephus Niger Cremonensis.



*Attenus ignotas regionum repperit oras,  
Et penitus nostris nō puia regna Colūbus,  
Et docuit longo diuerſa per æquora curſu  
Ire uiam, mundiꝑ. nouas inuiſere gentes.*

*Tu vero hæc eadem loca, regna, ſitusque*

*locorum.*

*Et populos, orbemque nouum, & noua ſidera cali  
Planius ac melius deſcribis, & omnia noſtris  
Sensibus inſinuas, veluti depiſta tabellis:  
Carminibus dum cuncta tuis ex ordine narras.*

*Cui mage nos igitur veſtrum debemus? an illi;  
Qui mare, qui terras, qui tot loca primus adiuit,  
Signauitque viam, longumque per æquora tractum;*

*Antibiꝑ qui veluti præſentia cuncta legenti  
Subijcis hæc oculis Laurenti Gambara noſtris,  
Demulceſque noua noſtras dulcedine mentes.*

*Magna quidẽ laus abſtruſum quod repperit orbem  
Et quod ad ignotas, claſſem prior appulit oras.*

*At nouus iſte tuus labor, & tua gloria maior:  
Qui rudis illuſtras noctem, mundiꝑe tenebras*

*Verſibus, ingenijꝑe tui ſplendore perenni,  
Et penitus retegens velamine cuncta remoto,*

*Sic facis vt quamuis diſtent hæc omnia longe:*

*Quiſque tamen cenſint præſentia ſingula cernas.*

LAURENTII  
GAMBARAE BRIxIANI  
DE NAVIGATIONE  
Christophori Columbi

*Liber Primus.*

AURELII VRSI ROMANI  
*Argumenta in quattuor libros de Navigatione  
Christophori Columbi.*

ARGVMENTVM.

Fernandi iussa exequitur Ligur : æquora puppe  
Conscendit triplici, soluens à Gadibus : oras  
Ad fortunatas classem primum applicat : inde  
Guananaim : e Cubæ mox tempestate repulsus  
Littore, Quique iam venit : Oceanoque remēso,  
Hispano Regi inuentas edisserit vrbes.



PERNOTTE virum referam ; qui litto  
ra primus  
Ingentis tetigit Cubæ, non cognita nautis  
Hactenus, oppositumq, polum, nouaq, a-  
stra retexit

Nuper & inuentas cancri sub sidere terras.  
Accipe que quondam iussisti carmina ab Afris  
Cum domitis Caesar dulcem, claramq, redisset



*Parthenopen victor: qui forti milite densas  
Tot Turcarum acies validis superauerat armis :  
Et pulsum Regem regnis induxit auitis .*

*Non sine te maris immensos innadere fluctus  
Tentassem ratibus , nec vasto in gurgite vela  
Tendere , sed Mella tenuissem parua fluenta ,  
Hic vbi Chinaas arces, atque arma virosque,  
Et fines latos canerem , terramq, feracem  
Tot frugum, & ferri venis, vrbs condita ab alto  
Sanguine Cenomanum ducit genus aspera bello  
Qua fuit, & letis Italos successibus auxit.*

*Te Carolus semper magno est dignatus honore:  
Namq, tibi curam soli commiserat omnem  
Regnorum, Imperijq. simul, bellique, togæque,  
Tempore. nunc breuiter tibi dicam, qua genitori  
Rettulit ipse tuo longe admiranda Columbus,*

*Iam calum , & terras tenebrosa inuoluerat vmbra  
Humida nox, pelagique sinus, vnoque fauebant  
Ore omnes, & erant mensis, sublata secundis  
Pocula iam, solitoq. pius de more sacerdos  
Egerat ingentes submisso vertice grates.  
Aeterno cali, & terræ, rerumq. parenti,  
Cum primus GRANVELLA inquit, noua gloria gentis  
Christophore Ausonidum, dic nunc ex ordine portus  
Inuentos à te: dic regna, tuosq. labores.  
Et toties fileant Vates iactare Pelasgi  
Innumeros terræ tractus lustrasse, viasque  
Alcidem, Bacchumq. etiam uidisse Orientem  
Auroram toties bello dum territat Indos.  
Hæ vatum sunt ambages, longeque superstes  
Illorum fama est maior, quam viuida virtus,  
Et totum impleverunt varijs erroribus orbem.*

*Felix*

*Felix Ausonig tellus, cui, contigit vni  
Totius mundi Imperium, nunc & quoque felix:  
Quæ talem te lata tulit, sub luminum oras:  
Cui Deus omnipotens alto dignatus olympo est,  
Tot pelagi monstrare vias, tot regna, tot vrbes  
Egregias, quas maiorum non viderat atas.  
Per te namque illæ Cancræ sub sidere gentes  
Vnumq. trinumq. Deum agnouere, repulsis  
Numinibus, veri quæ gens ignara colebat:  
Quos omnes nostri tinxere salubribus vndis.*

*Frondescent dum vere nouo, Tauriq. sub ortu  
Imbrifero nemora, & partus non terra negabit  
Alma suos: dum purpureis e collibus vuas  
Vinitor ipse leget, metet hordea grandia messor,  
Notus eris fama eternum, qua præcipitans Sol  
Inuisit gentes alias, & qua redit ad nos,  
Atque orbis spatium hoc reuoluta luce reniuit.*

*Tunc Ligur innixus folio sic fatur acerno:  
Quod petis vt narrem populos, inuentaq. nuper  
Tot maria, & nostris incognita sidera nautis,  
Expediam, nec te longo sermone tenebo:  
Nec mihi res memorare leues, nec cuncta referre  
Mens est, atq. oras tantarum euoluere rerum:*

*Sed dicam, quæ causa animum iustissima nostrum  
Mouerit hos tentare sinus, quos alluit ingens  
Oceanus, fluctuq. ferit, pelagoq. reuincit:  
Ne videar tantos frustra subiisse labores.*

*Hanc cæli molem immensam, & spatia ardua zone  
Quinq. tenent, quarum mediam Sol lampade torres  
Assidua, radijsq. coquit (sic prisca vetustas  
Credidit) extremæ scelerato frigore torpent,  
Perpetuisq. rigent niuibz, glacieq. perenni.*

Non



Non illis estas vlla est, redolet re nouum ver  
 Floribus, aut illic preceps autumnus aprico  
 Colle rubet. nix alta tegit iuga celsa, tenetq.  
 Planitiem. siluasque, suos non flumina trudunt  
 In mare perpetuos cursus: silet aura, nemusq.  
 Fronde carens. frustra siluis intenderet altis,  
 Aut alta conualle plagas venator Orion.

Hic mare non notum nautis: has inter vtrasq.  
 Et mediam tantum colimus nos maxima regna.

Hæc veterum pridem solers industria finxit,  
 Sideribusq. dedit nomen, centumq. locauit  
 Monstra polo, & positas varia sub imagine formas:  
 Quæ latas messes, & amicos insuper imbres  
 Agricolis persæpe solent predicere, & annos,  
 In quibus aut ingens segetum, aut penuria vini est.  
 Sed mundi (nec vana fides) primordia dicam.

Principio Deus omnipotens cum conderet astra,  
 Fulgentesq. poli sedes, spatia ardua celi,  
 Solemque, Lunæq. globum, noctemq. diemque:  
 Ille idem terram e nihilo, pontumq. creauit,  
 Impleuitq. feris terras, & piscibus altum  
 Acquor, auesq. simul siluis immisit opacis:  
 Mox hominem proprijs manibus fabricator olympi  
 Formauit facili ex limo, presensq. recentem  
 Illi inspirauit vitam, terramq. patentem  
 Illius imperio subiecit, & æquora aperta.

Crederenec dignum est ipsum fecisse vacantes  
 Tot maris ingentes tractus, tot inhospita regna,  
 Et mundi liquisse duas habitabilis oras.

Est regio Tanaim iuxta, Rodopeiaque arua:  
 Non vnquam viduata gelu, niuibisque, nec aura  
 Assidue gelido Boreæ spirantis ab axe

Hanc

Hanc tamen innumere gentes coluere, coluntque;  
Frigoribus etiam medijs sua rura, domosque.

Quid referam Thracum regem, quibus imperet oris,  
Quosque regat late populos: quibus asperat ingens  
Strimonias Aquilo ventosis flatibus vndas?

Frigentis Scythiæ non carmine prosequar oras,  
Aruaque, & ad gelidum constructa mapalia litus:  
Hic ubi pastores vrsorum pellibus vti,  
Frigora nil curant hyemis, specubusque iuencos  
Includunt; & proceras dant ignibus ornos:  
Sine oritur canis Icarius, seu frigida celo  
Nix cadit: & niueo terras obnubit amictu.

Extremi Garamantes habent armenta, gregesque:  
Quos nunquam stabulis claudunt, & nocte, dieque  
Aut siluas, aut prata tenent, semperque vagantur.  
Illic perpetua est æstas, & nescia brumæ  
Torrida, sed superante æstu, cælique calore  
Vnda tepet longe Oceani, & caua flumina feruent.

Insuper Aethiopum gens totum nota per orbem est,  
Atq. Arabum, necnon populorum, qui loca zona,  
Quæ media est tepidas inter, quam torret iniquis  
Sol radijs, non posse gelu perferre, nec æstus  
Terrarum pontiq. genus mortale putabat  
Aetas prisca hominum quondam: quæ vana fuerunt  
Somnia: nam iuuenis virtus spectata sub armis  
Pellæi haud potuit longum differre, morarique:  
Atq. rei veterem famam, dubiumq. remouit.

Ille etenim valido formauit remige classem,  
Elegitq. duces assuetos vincere semper  
Bellando; iussitq. nouas inquirere terras,  
Quiq. sinus magni Oceani Austrum inter & Eurum,  
Detegerent. qui dum sulcarent inuia quondam

Aequora,



*Aequora, terrarumque plagas videre per æquor.*

*Taprobana in medio posita est, quorum insula læti  
Diues agri, diues gemmarum, auriq̃ue, boumque,  
Atq̃. frequens late populis, corruptaq̃. nullo  
Aeris infecti vitio, sed querere testes*

*Tantarum haud opus est rerum: nanq̃. æquoris estus*

*Arentis Libyæ tenuerunt fortibus alnis*

*Iam Lusitani, fundaruntq̃. oppida: & vrbes,*

*Et nautis iter insuetum inuenere, nouamq̃.*

*Tellurem, populosq̃. alios immanibus ausis.*

*Ipsè ego iam Libyæ ratibus vada falsa cucurri,*

*Guineamq̃. adiij gemmarum, auriq̃. feracem.*

*Quin etiam cum sepe iterans maria alta profundì*

*Oceani, Gades vltra prope Lusitanos,*

*Noctesque, totosque dies vigil obseruabam*

*Littore ab occiduo, quædam vaga flamina certis*

*Temporibus anni, & certis spirare diebus:*

*Hec gigni ex aliqua tantum tellure putabam,*

*Quam rebar longè distantem à littore nostro.*

*Quid memorẽ populum vndantẽ, quẽ Scandia misit*

*Frigida in has partes, quas tunc vastauit, & igni*

*Tradidit, & præda in patriam remeauit opima?*

*Extremiq̃. Scythæ montes liquere supremos*

*Mongalli, atque armis Asiam domuere, tenentq̃.*

*Imperio quasdam partes. Islandia ponto*

*Oceani vasto est, rigida & porrecta sub vrsa.*

*Perq̃. dies multos distans a littore Thule:*

*Accessi has olim partes, vbi non ego vidi*

*Perpetuis niuib⁹ montes albescere semper:*

*Non etiam hic frigus penetrale ita regnat, vt vnda*

*Fluminea haud possit gelidum se euoluere in æquor:*

*Pascunturq̃. feræ siluas, maria aspera Delphin*

*Hic*

*Hic secat, atq. lupus fluuiorum pascitur vndis.*

*Innumerabilibus populis cum terra frequens sit,  
Occasum quis nam varijs sine gentibus esse,  
Et sine terrarum spatio pelagiq. negabit?  
Terra etenim septem pars est subiecta trioni,  
Pars etiam subiecta Noto, subiectaq. Eoo.  
Unde aliqui veteres olim, qui non nisi partem  
Nouerunt mediam hanc terræ, maris esse putarunt  
Oceani immensosq. sinus, atq. alta fluenta,  
Quæ tegerent spatium hoc indeficientibus vndis.  
Conscia sed veri longa experientia damnat  
Hanc rem, credibilem quondam, qua præuius alium  
Lucifer aduentare diem mortalibus egris  
Nuntiat, innumeris dicunt sub Sole oriente  
Oceani nautas vidisse per æquora terras,  
Et longe distans a nostro littoro littus.  
Has interposita est sat multum nota Cipango,  
Multarum rerum diues, nec flumina desunt  
Auroq. & varijs semper currentia gemmis.*

*Esse habitatum etiam quidquid Sol candidus ambit  
Lumine purpureo hand dubiū est: dūq. hoc mare nauta  
Verberat arboribus, semper noua regna, prius non  
Visa videt, tractusq. maris, terrasq. patentes.*

*Hinc etiam magni heroes belliq. domiq.  
Præclarum duxere genus: Germania testis,  
Galliaque, & nostris diuisa Britannia terris,  
Quiq. bibunt vndam Eridani, Rubiconis & amnem,  
Vulturūq. colunt ripas, atq. Acidis oras  
Trinacriū, & longe montes, & saxa Pachini.  
Nunc quoq. tot procures, habitant qui maxima regna  
Europæ, stirpem illorum sese esse fatentur.*

*Spero equidem post me non multo tempore nautas*

*Ven.*



*Venturos, retegunt sparsas qui per mare terras,  
Littus & inuenient occasu a Solis ad ortum  
Continuum; quæ crediderant iam lapsa virorum  
Secula, tot vana esse hominum figmenta, nec vllum  
Vlterius posse esse solum, sed inhospita tantum  
Æquora, & Oceani tantum notissima monstris.*

*Hanc igitur terramq. coli, trabibusq. profundum  
Inuerti haud dubium est, & quæ mala frigora densant.  
Ipse calor laxat, passa est quæq. herba calores,  
Rore suo hanc reficit per noctis Luna tenebras:  
Nam nitidus cum Sol sero sub vespere terras  
Liquit, & ante oriens quam sese ostendet ab orbe  
Eo, aërios rores bibit arida tellus.*

*Hinc lætæ veniunt segetes, & mollia campis  
Gramina, & occultas vires terra alma ministrat  
Arboribus: virgulta greges, & roscida tondent  
Pascua, & in dumis ducit rosa nata colorem.*

*Hactenus ut finem faciam PERENOTTE loquendi,  
Dum causam expedio, quæ me tentare profundum  
Impulit vt ternas Fernando a rege carinas  
Instructas peterem: patrijs qui nuper ab oris  
Quas secat Hesperius sæcundo flumine Bætis  
Expulerat Numidas, atq. agmina barbara victor.*

*Tunc ternas dedit ille rates: quas lætus ad vndam  
Pallensis portus deduxi robore duro,  
Pendula perq. altum conuerti carbasa versus  
Non longe positas Hispano a littore Gades:  
Cum siluis iam poma rubent, & collibus, vua  
Iam rubet, & sætu curuatur pampinus, & cum  
Trans mare, permetuens hibernos garrula soles.  
Remigio volat alarum brumamq., niuesq.,  
Increpitat, tepidosq. dies adfectat hirundo,*

*Atq.*

*Atq. cateruatim Maurusia regna reuifunt.*

*Nam circum facies placidi maris, & celer Euris,  
Et mitis monstrabat iter per carula tutum.*

*Pinzones mecum vixi, qui marmora nostra,  
Atq. mare Oceanum lustrarunt abiete longa.  
Et ventis hyeme in media se opponere norant.*

*Una frater erat non belli ignarus, & alto  
Venturas tempestates prædicere, & Austros.*

*Miles erat mecum solitus tolerare laborem,  
Militemque grauem durique incommoda belli,  
Fernando sub rege, suis dum barbara terris  
Agmina victor ouans infestis expulit armis.*

*Difficili haud cursu tranquilla per æquora Gades  
Deueni. hic donis opulentum, & marmore viuo  
Templum adij Christo extructum: cui debita in acta  
Vota libens feci, & Patri: ne regna petentem  
Extera me tandem sineret, sociosque, ratesque  
Illidi scopulis, mergine sub æquore & vndis:*

*Et TV STELLA MARIS, quæ non te condis, vt astra  
Cuncta solent, toto effulges sed semper Olympo:  
Cui cedit splendore nitens Luna, & rutilus Sol.  
Ille diem terris quanquam rebat, & rebat illa  
Sidereꝝ noctis cæli per inania lumen.*

*Dum nos hac classe exigua freta mota tenemus,  
Incerti quod nostra ferant vaga lintea venti,  
Da nostram banc puppem portus intrare, marisque  
Per tantos tutam ire sinus. ferq. inclyta virgo  
Ipsa viam hanc facilem miseris, tu nanque potentem  
Concilias nobis cæli, terreque Parentem.*

*Post vbi legerunt pontes. & vincula nautæ;  
Mox celer immensum conscendi à Gadibus æquor,  
Et cursum pelago intendi, qua præcipitans Sol*

*Occiduum*



occiduum in Cancri vergit sub sidere partem.  
 idereum linquens celum surgentibus vmbis.

Canariasq. viam versus tentamus, ibique  
 flammiferam legimus Teneriffem, è vertice cuius  
 axum ingens, altumque globos prorumpere ad auras  
 flammarum, & longo tractu splendere noctem  
 præcipue Eois cum flant è partibus Euri.

ignarus tamen ipse viæ, nec territus vnda  
 insolita, aut metuens incognita sidera nautis,  
 Ausus vel stagna alta ratis proscindere rostro.  
 sed summi Patris auxilio confisus, & aura,  
 Ad Fortunatas Euro feror alite terras:

Hic vbi mane nouo sacris de more peractis,  
 Oceani ingredior latices prius intentatos.  
 Tunc nostras primum senserunt aquora puppes,  
 Quæ nullæ præssere rates, non nauita nouit.

Pandimus, & velorum alas, nosq. Euris euntes  
 Prosequitur, validis & lintea flatibus implet.

Conuersus vero ad socios sic ora resolui,  
 Nauita, vel milesq. fuit, qui lumina primus  
 Per noctem, aut molem & montes aspexerit, hunc rex  
 Extremæ Hesperia donabit munere multo,  
 Quare agite ò socij gemmis, auroque petamus,  
 Non grauidam bellis terram, nec littora nostris  
 Peruia, & his dictis assueta inuertere fluctus  
 Remigijs pubes securas nauigat vndas.

Ipse ego surgentem Solem, vagaque astra notabam  
 Nec non occasus illorum, & nubila, & aure  
 Intenta spirantem auram, placidiq. tenorem  
 Seruabam maris inceptum, & mea semper ad astra  
 Lumina vertebam: nam me non noctibus illis  
 Vlla quies (pacata forent licet aquora) pressit.

*Hoc cursu Magnetem illum, quo in pixide nautæ  
Vtuntur, quo monstret iter, non semper eundem  
Deprendi spectare locum, stellamq. polarem.  
(Vt dicunt) nostris res nondum hæc cognita nautis.*

*Orta dies sine nube, Euri surgebat ab oris,  
Et radijs Sol purpureis, & lampade fulua  
Aureus eoum spargebat lumine littus  
Trigintaq. dies iam vela inflauerat Eurus;  
Cum timidus nollet vltra procedere miles:  
Sed quamuis cuncti vellent in regna reuerti  
Hesperia, longi pertesi per freta cursus,  
Ipse viam tamen haud volui conuertere: nanque  
Classis erat non fracta Noto, non murice caco,  
Nec fractus miles pugnata ob bella per vndas.  
Turbatur semel, atque iterum formidine ductor,  
Dum toties vidisse solum per lata putauit  
Aequora, sæpe maris frustra tranasse profundum  
Herbosum, & varias volucres, populosque natantum  
Haud nostris forma similes: tunc miles amarus  
In me me, tumidusque ira mussabat, & ense  
Sæpe minabatur mihi mortem, cum tegit vmbra  
Nox calum, vel luce dies, & spargere in æquor  
Insper, atque nouam monstris me linquere prædam.*

*Iamq. orbem vaga Luna suum compleuerat, & iam  
E summo rediens sese ostentabat Olympo  
Lumine sublustri, cum iam nox ipsa teneret  
Oceanum, & terras caligine, & Eurus apertos  
Per fluctus ageret tenui iam flamine puppes:  
Visa mihi haud longe terra est, Rodericus Iberus  
Nauita ait, summi seruans carchesia mali.  
Non ne etiam zephyrum flantem sentitis, & auram  
Iam notam nautis auram, e tellure propinqua*

*Letitia*



Et iurgia exultant omnes. lætiq. saluant  
 Vocibus hanc visam post tanta pericula terram.  
 Auticus æquoreas tunc clamor personat undas.  
 Hanc piceis mistam tenebris prospexi ego primum.  
 Nox comites videre alij, cum nox silet atra.  
 Tunc socios terram hanc versus conuertere proras  
 Confestim iubeo, contisq. incumbere nautas.  
 Iuxq. iubar calo sese ostentabat, & astra  
 Redebant primo radiantis Solis in ortu:  
 Gravior haud vnquam terris, nec lætior orta est  
 Illa dies, magis nec claro sese extulit ortu.  
 Jam circum mare pacatum videbat, et alto  
 Nostra rehebatur pelago sine remige classis:  
 Cum procul aërios montes, geminasq. videmus  
 Circuitu longo sparsas per cœrula terras,  
 Nox alias, mox inde alias: nam clara fuerunt  
 Signa prius nobis fulcantibus, haud procul esse  
 Cellurem optatam toties, votisq. petitam.

Hic nos lætitia lacrymas effudimus, altumq.  
 Aethera spectantes Christo, Mariæq. parenti  
 Aeternoq. Patri, geminos, qui temperat axes.  
 Reddidimus cuncti submisso poplite grates,  
 Quæis nostræ ducibus cursum tenuere carinæ  
 Tam tutum, & nullo ventorum turbine victæ:  
 Et nullo comitum omisso, dehinc talia fudi:  
 Conuertens oculorum orbem conuexa ad Olympi.

TV PATER OMNIPOTENS ignota per æquora cursus  
 Da faciles, ne nos inter maria inuia surgens  
 In pelagi cursus Auster ferat, atq. recursus.

Harum prima novos flores, herbasq. tenebat,  
 Arboris, & virides frondes: fontesq. lacumq.  
 Hac media ingentem vidi: nam nullus ibi mons

*Eripiens prospectum oculis erat æquora iuxta.*

*Currebat gens ad pelagus, visura carinas  
Attonita, & stupefacta rei novitate, putabatq.  
Esse rates nostras tot monstra natantia ponto.  
Tangimus hoc fessi littus: latiq. subimus  
Guananaim portum, parvamq. intrauimus urbem,  
Et grato accepti hospitio, reuocamus opima  
Amissas mensa vires: nam mitis erat gens,  
Vultus item est illis placidus, frons lata licet sit,  
Quæ corpus paulum & faciem turpabat, & ora.*

*Non forma exiguum corpus, crinemq. resectum  
Supra aures crassum, & nigrum pars maior habebat,  
Estq. color oleæ similis, qui vergit ad atrum.*

*Atq. aliquis nudatum enssem, gladiumue tenebat,  
Trahebaturq. manu, ceu lignum; at post ubi apertum  
Aspexit vulnus, trepidansq. gemensq. dolebat.  
Querebat signis an nos venisse suprema  
E sede etherea, & cali colere ardua tellus,  
Atque vnâ cum celitibus ferrique per urbem  
Tunc belli signum iubeo, passimq. viarum  
Strata per, atq. forum, cornu instrepere recuruo,  
Et totam implexere nouis clangoribus urbem.*

*Parte alia fractos sonitus dedit cinea moles  
Flammis permistos rutilus, & littus, & æquor  
Intremuere sono insolito, longe insula Cubæ  
Audiit, & sonitu gens est exterrita tanto.  
Urbemque hanc parvam sine cede, & sanguine regnis  
Hesperis primum adiunxi, namq. ordine cuncti  
Acti palam assensu ciues populusq. probarunt.*

*Non fluat è terre venis auri ve metalium,  
Aut gris, ferri ve licet, sitq. insula pauper,  
At gentes illa tamen gestat bipatentibus aurum*

*Naribus*



Naribus . hic gentes sunt nude, & versicolore  
 Pictura exornant corpus, armantq. preustas  
 Piscis dente sudes vice ferri, sunt quibus hostes  
 Pellere consueti, & circum sua regna tueri.  
 Septem ex his iuuenes mecum per cœrula vixi.

Hic vidi aspectu horribili, toruoq. molossos,  
 Quos sine latratu referunt componere soles.  
 Atque hic non pelagi tractus, non noscere mores  
 Permisit breue me tempus: nam nocte, dieq.  
 Detegere has terras ingens me cura premebat.  
 Mox iter ingentis direxi ad littora Cubę:  
 Quattuor aspexi non longe per freta terras,  
 Quarum cuncta nouis redolebant floribus, arua  
 Consita erant passim arboribus, queis garrula lympha  
 Non deerat, fugiens per gramina odora, rigansq.  
 Vicinum nemus, atque halantes floribus hortos.  
 Res vero his terris nulla est mihi visa relatu  
 Digna mage hac, quam nunc memorabo. ramus adoptat  
 Ramum alium, varijs folijs, varioq. colore,  
 Pomaq. sunt intus varios seruantia succos,  
 Cortice non simili: mater que stipite ab vno  
 Dędala terra creat. hæc nunquam poscit auari  
 Dura ministeria agricolę sub tempore Veris.

Dehinc nos ardentes placido caua lintea ponto  
 Soluimus, atq. viam velis de flectimus inter  
 Has pelago sparsas nullo discrimine terras  
 Illic nos siluas legimus, quas longa gerebant  
 Littora, & arua simul nullis obnoxia rastrois,  
 Vidi lanigeras non longe a littore siluas,  
 Et passim arboreis pendentia vellera ramis.  
 Vidi & odoratos alio sed littore lucos,  
 Frondentes quorum rami mollissima seruant

*Vellera, quæ leuibus siliquis inclusa teguntur.*

*Quid memorem pictas volucres, quæ floreæ circum  
Prata volant, cantusq. suos noctiq. dieiq.  
Aequant, & varijs implent concentibus auras?  
Frondosiq. sedens ramis philomela canebat;  
Quas inter canit Eois non natus in oris  
Psittacus, & volucrum cantus imitatur, & altis  
Arboribus strepit, & lingua noua verba loquaci  
Ingeminat, repetitq. auium per guttura voces.*

*Hic volucres fundunt cantus sub mense Decembri.  
Pars dulcem frondentis alunt in vertice pinus  
Progeniem, pars oua fouent, pars arbore nigra  
Nidiscant, latebrisq. domos frondentibus abdunt.  
Nanq. dies erat hic tepidus, ceu vere rubenti.  
Non desunt illic portus, & flumina nautis  
Grata nimis, Zephyri si quando spiritus vndis  
Insonat, insequiturq. rates reuoluta per alta.*

*Accessi tandem Cubam, magnumq. fluentum  
Tendere in Oceanum vidi, portumq. capacem  
Non parua ingressus classis, tutumq. procellis.  
Nanque erat hic portus saxi circumdatus altis  
In morem stagnantis aquæ, quo clausa silebat  
Unda, nec vntantes fluctus, ventosq. timebat.*

*Nec longum hæc statio tenuit me; sed caua feci  
Vela Notis, nunquam linquens ea littora Cubæ  
Per multos soles. resonans sed flatus ab alto  
Vertice spirantis Boreæ, & maris vnda tumescens  
Terruit vltterius procedere: nec mora vento  
Obuerti aduerso sinuosa per æquora cursum.  
Permetuens instantem hyemem, pelagiq. furorem;  
Et gemitum: cum iam Boreas nos horrifer oris  
Quiqueiæ appulerat, legerent & carbasa nautæ*



Letitia perfunsi animum, & de more coronas  
 Puppibus aptarent, subito prætoria pinus  
 Est breuibus inflata vadis, qua longa iacebat  
 Saxea planities subter mare, puppis & imis  
 Soluitur ista vadis, nautasq. relinquit in undis.  
 Continuo impellunt socij per cærula cymbas,  
 Auxiliumq. ferunt timidis, ratibusq. reponunt  
 Incolumes, navis scopulo sic fracta resedit.

Corpora sed madidi comites dum littore curant,  
 Et sagula ad tepidum Solem madefacta reponunt:  
 Protinus ingredior densum nemus: hic ubi primum  
 Conspexi indigenas cursu iuga celsa secantes,  
 Nosq. videre viros cupidi, noua cernere regna:  
 Tela manu intrepidi capimus, sequimarq. fugaces.  
 Tunc illi celerare viam, & transmittere cursu  
 Præcipiti patrios colles, & fidere siluis  
 Haud aliter fugere viri montes super altos,  
 Quam timidi damæ sub primæ tempora lucis  
 Conspecto procul herbofa in conualle leonum  
 Agmine, dum siluis errant, sic illa petiuit  
 Turba virum loca nota metu, seq. abdidit umbris.

Compressi subito gressum, tristisq. redibam  
 Ad naues sine præda: hederis cum condita virgo  
 Concussit folia, & frondes, quibus ipsa latebat:  
 Has motas petimus frondes: tunc abdita virgo  
 Exiit facie insignis: sed fusca colore:  
 Confestim illa capi sese permisit, & vna  
 Mecum incedebat siluis non mæsta sub altis.

Hæc ducta ad naues epulis expletur, & alba  
 Induitur læna, disponuntq. ordine crines.  
 Crystallum dant & digitis, & Iaspide cingunt  
 Virgineum latus: hic gentes nam corpora nulla

*Veste tegunt, nudi incedunt, & cum redit æstas  
Et cum bruma redit, venit & cum tepidum ver.*

*Mox virgo in notos redijt iam libera colles,  
Primoresq. petit nemorosa in valle latentes:  
Ostenditq. habitus, atq. ordine cuncta recenset:  
Narrat & ingenium gentis mite, & genus alto  
E cælo venisse nouum: tunc ocys omnes  
Decurrunt properi, qua semita ducit ad æquor,  
Et veniunt ad nos ultro, signisq. salutant:  
Cum quibus & digitis loquimur, nutuq. frequenti.*

*Planitie fractam scopuli vt videre carinam,  
Tranarunt rapidi stagnantes lintribus vndas,  
Et patrium ad litus remos, & vela, rudentesq.,  
Et ratis arma ferunt: tunc gaza reducitur omnis  
Nautica, & ad litus desertur lintribus altis,  
Nos illos donis fessos cumulamus agrestes:  
Crateras septem vitreos, & pocula septem  
Ficilia, heroum varijs decorata figuris,  
Bissenasq. damus tunicas, totidemq. cothurnos.*

*Interea dum nos iam quassam in murice puppim  
Teximus, aptamusq. trabes, redit extera pubes,  
Quæ nobis fuit auxilio, & lectissima secum  
Frusta auri, atq. auro permistas portat arenas:  
Et teretes donant paruo pro munere baccas.*

*Noctesq. totosq. dies ad littora nota  
Orbe alio aduectas gentes visura ruebat  
Turba virum, natisq. patres, pariterq. nepotes  
Permisti, armatosq. duces mirantur, & auro,  
Purpura & indutos procures, sonitusq. tubarum.  
Gestat acu hic pictam tunicam, cristasq. volantes,  
Hic picturatis radiantia baltea signis.*

*At alij tenere locum, quo quadrupedantes,*

*Insul.*



*Insultantq. solo:glomerantq. in littore gressus.  
 Preuertuntq. notos cursu, & candore ligustra.  
 Et vix in prima figunt vestigia terra.*

*Miranturq. nouos habitus, mirantur & arma  
 Bellantum non visa prius, nec cognita quondam.*

*Parte alia volitare vident sine remige puppes,  
 Atq. maris tentare sinus, licet Auster aquosis  
 Incumbat pelago nimbis, hyemesq. minaces  
 Ingeminent, piceisq. cadant e nubibus ignes.*

*Sternit humi se quisque, sonum dum territus haurit  
 Auribus, effundit reboans quem ferrea longe  
 Machina, fumososq. ignes attollit ad auras,  
 Perstringitq. oculos flammis, fumoq. sequaci.*

*Erexique. Crucis signum venerabile curuo  
 Littore confectum palma, pinuq. virenti,  
 Quam populi circum signis, nutuq. colebant:*

*Vnanimique. sacerdotes hæc carmina sacra  
 In laudes, Pater alme, tuas cecinere: DEVM TE  
 LAUDAMVS, TRINVMQ. DEVM, Dominuq. fatemur:  
 Te Patrem æternum veneratur littus vtrumq.  
 Te veneranda cohors celi, & caelestia regna,  
 Atq. potestates sublimi voce vicissim  
 Insigni te laude ferunt super omnia, quæ tu  
 Fecisti, & celi spatiosa per atria dicunt  
 Te sanctum, nostrumq. Deum, Dominumq. Patremq.  
 Te celebrant, cum cuncta tuo sint numine plena,  
 Qua Sol luce sua lustrat, dum circuit oras  
 Aethereas, tractusq. maris, terrasq. patentes:  
 Atq. tibi assurgunt gentes felicitis Olympi,  
 Et duodena cohors comitum te Christe tuorum  
 Concelebrat, fudit quæ pro te cæsa cruorem;  
 Quorum vox late occiduas peruenit ad oras,*

*Atq.*

*Atq. Arabum, Indorumq. domos: vos o quoq. vates  
 Abramidae, quibus ore dedit prædicere nati  
 Adventum Deus ipse sui, & rerum abdita: vosque,  
 Qui quondam sparsio mernistis certa cruore  
 Præmia, nunc alacres Dominum laudate supremum.  
 Vos quoq. virginei cætus, quibus vna fuit mens,  
 Vna pudorem ipsum a teneris coluisse, nec vnquam  
 Concessos subiisse toros, nec floris honorem  
 Virginei amisisse, Deum laudate parentem  
 Immensæ maiestatis. vos o quoq. sancti  
 Cæsariem lauro insignes, palmasq. tenentes  
 Dextera Idumæas alacres, & vestibis albis  
 Induti immensas Patri vos dicite laudes,  
 Cælestiq. simul diuini numinis aure.*

*Nos etiam Christum vnigenam, magnoq. Parenti  
 Aequalem canimus: summi tu magna Tonantis  
 Gloria, stellantisq. poli: dignatus & aluo  
 Tu de Virginea nasci; tu funus acerbum es  
 In Cruce pro nobis passus, quos sanguine, & ipsa  
 Morte redemisti, patefactaq. ianua cæli  
 His nece Christo tua est, tua qui sunt iussa secuti.  
 Es Patris æterni æternus tu Filius, & Rex  
 Magnus, & ad dextram Patris omnipotentis, & alto  
 Ipse sedes solio sublimi in vertice cæli:  
 Venturumq. diem te iudice credimus olim,  
 Quo tu digna malis, & iustis præmia reddes.  
 Tu nobis igitur succurre precantibus, & nos  
 Aspice, sulcantesq. ignota hæc cæcula puppes  
 Innocuas serua, & dextram ne subtrahes nobis:  
 Namq. in te posita est spes nostra, sinusq. repostos  
 Te maris Oceani duce nos penetrasse fatemur.  
 Quas & agam grates tibi nunc? qui me duce terras*

*Non*

Non visas olim, voluisti ostendere seclo

Huic nostro, atq. alio positas sub fidere gentes.

Iam Guacanarilli peruenit rumor ad aures

Externos venisse viros, littusq. tenere.

Obstupuit Cemium repetens oracula secum:

(Indigenæ sic appellant sua numina gentes)

Noluit & capere arma manu, & depellere classem

Finibus, euentu rerum, factisq. sinistris

Territus: at properans ad littora nota tetendit,

Atq. vltro dedit ex auro mihi munera multa,

Et sumus hospitio à populis & plebe recepti:

Anseribusq. alius nautas onerabat opimis,

Pars patrias epulas, & viscera tosta ferebant.

Sed dicam cur depositis Rex venerit armis:

Rettulit ipse olim nam rem mihi sæpius omnem:

Quiqueiq. extremus tunc Guarionexius oris,

Et Guacanarillus materno sanguine iuncti,

Dum super imperio Cemes, rebusq. futuris

Consulerent, flexoq. orassent poplite ad aras:

Interea per quinq. dies, solitoq. sopore,

Et solitis epulis sese abstinuere, nec vnquam

Cessarunt in vota oculos ad numina semper

Intenti, quibus est adytis uox reddita. Reges,

Audite hæc responsa. dies inopina propinquat,

Qua regnum hoc felix, & regia sceptrata tenebunt

Vestibus induta gentes, quas extera classis

Huc vehet euertentque vrbes, operosaque templâ,

Et quoque nos, legesque nouas, & sacra docebunt.

Nec vos, o proceres vox hæc deludet inani

Augurio: tuq. etiam populis audita referto.

Inde recens illos luctus, mærorque tenebat,

Atramque innisamque diem taciti expectabant.

Finierat



Finierat, tremuitq. solo mota ara recusso,  
 Concussaq. fores templi, & penetralia longe  
 Insonuere: fragor templi tecta alta repleuit.  
 Tunc ambo rerum attoniti nouitate recedunt  
 Tristes, & Cemium populis responsa retexunt.  
 Tempore, quo has terras, terras his Rex Guacananillus  
 Ingens extincti regnum iam patris habebat,  
 Preclarum referens nomen genitoris amati:  
 Iam ratus aduenisse diem, quo dicta supremum  
 Finem habeant Cemium, vestas sibi iungere gentes  
 Fœdere amicitie querit, speratque tenere.  
 Posse sua imperio tali sub fœdere regna.

Dum vero surgens attolleret ethere Taurus  
 Cornua, decreui remeare ad littoris oras  
 Extremæ Hesperie, victorq. inuenta referre  
 Tot maria, atque alio gentes sub Sole repostas:  
 Precipue liquidi soles, & vertice ab alto  
 Leniter aspirans Zephyrus discedere tum me  
 Cogebat, letumq. meos inuisere Reges.

Ut vero faciles populos, Dominum quoq. mitem  
 Aspexi, visum est paucos mihi linquere posse  
 His terris impune viros, & tollere paruis  
 Securam tectis arcem, & circumdare fossa.  
 Xamana in regione noui sub tempore veris  
 Exigua vallos arcis de cespite viuo  
 Extruxi ex trabibus nexis, & vimine flexo:  
 Aggereq. incinxi valido: atq. ex milite certos  
 Delegi bello expertos, quos Guacananillo  
 Commendo: illorumq. ducem liqui Rodericum,  
 Corduba in arma parens primo quem miserat quo:  
 Assuetum obsessas vrbes, & castra tueri.  
 Dehinc late regem placido sic alloquor ore:

Maxime Rex, qui sponte tuis consistere regnis  
 Inuitas, fessam hanc classem, & consurgere portu  
 Littoreo finis, hanc molem, victumq. ministras,  
 Promissis maneat oro, quæ sepe dedisti  
 Et serua hanc gentem precor, & defende cohortem  
 Hanc solita pietate: erimus placidissime nunquam  
 Immemores tanti meriti, regnisq. potentem,  
 Atque armis nostrum iungemus fœdere Regem.  
 Non veni populare domos, non perdere ferro  
 Hanc gentem, vel te patrijs expellere regnis.

Et mox ad socios conuerti lumina, & illos  
 Talibus aggredior dictis: Vos bellica pubes,  
 Unanimes, lætiq. dies agitate, metumq.  
 Mittite: nam vobis validum rex inclutus vltro  
 Auxilium feret, imperio qui littus, & vndas,  
 Et circum regit hos montes, atq. oppida circum

Vos Regis quæcunque sequi ne termites iussa  
 Quæ vobis, iuuenes, præclaro hoc digna labore  
 Præmia persoluant cælo quæ gloria iam vos  
 Sublimes factis ventura in sæcula tollet?  
 Fernandus vobis meritos persoluet honores,  
 Non sine muneribus magnis: conuertere cogor  
 Per maria alta rates, iterumq. reuoluere fluctus  
 Ut Regem faciam certum cursusq. visque,  
 Quasq. alio sub Sole nouas deteximus vrbes  
 Vere nouo has iterum dulces rediturus ad oras.

Tum Rex letus ait. curas secluide sequaces  
 Dux demisse polo: nam miles nullus adibit  
 Hos armis: hæc terra mea est, & cerula circum.  
 Semper eos ope presenti, auxilioq. iuuabo.  
 Per mare pacatos tibi dent tua numina ventos  
 Mox meme & socios dextra petit, & tenet ipsos

Amplexu,

*Amplexu, lacrymansq; alios complectitur: & sic  
Corde nefas versans se in regia tecta recepit.*

*Tunc comites intrant arcem sub fœdere regis:  
Et nautæ mare uelinolum picea rate volunt  
Nam flabat crepitans Zephyri levis aura per equor,  
Suadebatq; salis cursus tentare patentes;  
Indigenasq; decem, fratremq; per equora mecum  
Ducere decreui, certosq; relinquere in arce,  
Ne forte imperio premeret trabis aduena terras,  
Regnaque, littoreosq; sinus, populosq; propinquos.  
Et mox equoreas curua rate verrimus undas:  
Et tandem Hispanas Zephyris comitantibus oras  
Deueni: Taurûs celso cum surgit Olympo.  
Et primum accessi Gades, altariaq; auro,  
Et donis onerans, Christo pia uota supremo  
Facta prius solui: soluerunt & sua mecum  
Vota, alacres media templi testudine nautæ.*

*Protinus has linquo terras puppesq; volarunt  
Immensum mare per, lati, potimur arena  
Optata, & tandem regalia tecta subimus,  
Et simul inuentas alio sub sidere gentes,  
(Nam regem egregium bello tunc Barchino habebat)  
Narramus regi, atque auri purissima dona  
Perferimus, nec non baccas, nostrisq; volucres  
Dissimiles, similesq; etiam: nam corpore maior  
Psittacus est, pulcherq; magis, pennisq; coruscis,  
Et varijs, quam nos cauea seruare solemus:*

*Cinnamaq; attulimus suauis fragrantia odore,  
Acriaque, & gustu torquent quæ protinus ora:  
Atq; aloen herbam, quæ tristi est plena liquore.  
Solus per siluas, & prata cuniculus illis,  
In terris quadrupes depascit gramina: mecum*

*Hunc*



Hunc triplici vixi specie mirarier omnes  
 Quos illinc vixi iuuenes, pallentiaq; ora,  
 Auribus, & simis dependens naribus aurum,  
 Deformes visu ac breuiori corpore. tum rex  
 His visis, mora nulla, parat classemq; virosq;  
 Expertos bello atq; armis, suetosq; periclis,  
 Et lectos centum artifices, totidemq; colonos.

Addit mille viros, qui secum barbara contra  
 Agmina pugnantes, victricia signa tulerunt.  
 Bellator non desit equus qui Betica pascit  
 Pascua, quiq; Tagi vitreos bibit accola fontes.

Narrarem ac breuiter dum regna inuenta, sinusq;  
 Tot maris, & sparsas per tot maria aspera terras,  
 Fernandi iussu, populo spectante, sedebam  
 Illum, & reginam iuxta, qui magnus in oris  
 Est honor extreme Hesperie, quin sponte supremum  
 Rex me rectorem classi praefecit, & alto  
 Oceano: dehinc vectigalia regia dono  
 Quendam concessit: fratrem quoq; non sine honore  
 Dimisit, cui iam partas concesserat oras,  
 Ut regeret, littusq; maris, populosq; Quiqueie.

Artifices mecum varios, armenta q; vixi,  
 Omnigenumque gregem delegi, armenta q; primum  
 Ut maribus cum tempus erit, submittere possem,  
 Elegi in spem gentis equos, selectaque, farra,  
 Grandiaque herbarum beneolentum semina, ut hortos  
 Tam pingues nostri colerent, plantaria vina  
 Amporum, nemorumque tuli, nam haud nascitur illis  
 Partibus vlla arbor, nisi pinus stipite recto,  
 Et tereti, celsaq; coma, proceraq; palma.  
 Puritie hę sunt indomita, quibus arma ferox gens  
 Conspicit atq; enses ferri est sine terra metallo:

Hosq.

*Hosq. acuunt saxis, quæ secum flumina ducunt.*

*Collibus apricis dum uero rusticus uias  
Iam legeret, properansq. domum sarmenta referret.  
Scinderet atq. agros procuruo vomere. iussi  
Erigere & malum, maloq. innectere fines,  
Ne ruere antemne, scindi ne carbasa possent.*

*Hispanos etiam complures maximus ardor,  
Tantarum & rerum nouitas, adaperataq. regna,  
Impulerunt ignotum æquor percurrere mecum,  
Unanimesq. damus spirantia flamina classi.*

DE NAVIGATIONE  
CHRISTOPH. COLVMBI  
LIBER SECVNDVS

ARGVMENTVM.

*Carpit iter rursus: Caribum perlabitur oras:*

*Quiqueiam accedit: sociorum hic funera deflet:  
Liberat Hoiedam obsessum: cum fratre tyrânum  
Caunoboam capit, Hispanam rediturus ad aulâ:  
Committit fratri imperium: regemq; reuisit:  
Inde abit, atque alias perquirir in æquore terras.*



*V N C ipse Hesperia fines, portusq; reliqui  
Cumq. decem et septem ingressus sum pup-  
pibus æquor:  
Ad Fortunatas meq. Euris detulit oras.  
Ut Graij referunt vates, vatesq. latini,  
Actutum applicui ad littus, quo ferrea tantum*

*Insula*

Insula habet gelidum laticem, purumq. leuemq.  
 Qui non e terra erumpit, non fonte perenni,  
 Non erupe caua emanat per scrupea riuus:  
 Littora non surgunt illic putique, lacusque:  
 Humida sed nubes circum collecta, virentes  
 Arboris obnubit ramos frondesq. diebus  
 Continuis, cum mane nouo Sol lucidus orbem  
 Inuisit, pulsaq. diem iam nocte reducit:  
 Quæ liquidas versa in lymphas ex arbore, ceu ros  
 Frigidus, in structam muro, saxisq. lacunam  
 Distillat, potumq. gregi, populisq. ministrat.  
 Hæc dulcis gustu est, nec non & frigida tactu.

Post hinc confisus placidum mare puppe tenebam,  
 Et Boreæ cursum tendebam semper ad oras.  
 Ter septem cessere dies, cum per mare nullas  
 Conspexi immensum terras: tandem insula longe  
 Cannibalum se Luciferi monstrauit in ortu:  
 Est Eurus perflans adeo nos vsq. secutus.  
 Nulla hic turris erat, non vlla mapalia toto  
 Littore, at arboribus multis, & gramine plena.

Ultra prouchimur ponti per marmora suaues  
 Licium late tellus spirabat odores.  
 Transibam loca multa, mari circumdata vasto,  
 Nulli habitata viro: non his animalia terris  
 Vidimus, aut vllos homines sed corpore tantum  
 Ingenti ac vario magnos errare lacertos  
 Per siluam obscuram, iacet insula Guaricucia,  
 Quæ cæli nitidum lumen nil præter adorat.  
 Ad quam delati fluium conspeximus vnda  
 Perspicuum, fundoq. ingenti, & vortice nullo.

Collis erat iuxta paruus, quem plurima pubes  
 Conscendit visura solum telluris, & omnes



*Cannibalum tractus circum: videt arma, domosque,  
 Ruraque, frondosumq, nemus, septemq. fluentia.  
 Nostrorum pars descendunt e nauibus, ipsosq.  
 Explorant fines, vicinaq. testa peragrant.  
 Cannibali iuga celsa petunt, tutasq. latebras.  
 Noſtri ad Cannibalum sedes facto agmine tendunt.  
 Testa vacare viris cernunt, sed sparsa recenti  
 Sanguine. viderunt trabibus pendente membra  
 Multa virum, multa & verubus confixa cruentis:  
 Humanis permixtus erat queis psittacus, anserq.  
 Artubus, atq. alię nemorum, pelagiq. volucres,  
 Inclusas testa quas flamma accensa coquebat.  
 Tunc primum fatur sic puppi interpres ab alta.*

*Hæc est imperij sedes, & regia gentis  
 Cannibalum, rapido circum pulsata profundo:  
 Qua genus acre virum floret, belloq. iuuentus  
 Horrida, finitimasq. armis inuadere gentes  
 Assueta, & pelagi perquirunt lintribus undas.  
 Captiuos verubus figunt, & pingua torrent  
 Viscera, & in campis læti vescuntur apricis.  
 Euellunt pueris testes, nec corpora leto  
 Dant tristi, donec crescens accesserit ætas,  
 Et cute sint pingues nitida: mox ense recludunt  
 Spiramenta animæ, & testis epulantur in altis.  
 Fæmineo generi parcunt, seruantq. puellas  
 Præstantes alijs forma, quo gignere natos  
 Ex illis possint: testis custodia turpis  
 Est anus, & nexis virgultis atria verrit.  
 At uero iuuenes, quibus est iam firmior ætas,  
 Cannibalum gens hæc in quattuor effera partes  
 Diuidit (horrendum) atq. illos euiscerat, inde  
 Corporis extremas partes abscindit, abenoq,  
 Imponit,*

*Imponit, flamma aut torrret, manditque, voratque;  
Cætera membra sale inspergit, cellisq. reponit.  
Et quoties vento feruet mare, protinus arma  
Corripiunt, puppesq. petunt, pulsaſq. procellis  
Per mare ſorte rates rapiunt, ſpoliantque, feruntque.*

*Ipſe decem mecum Quiqueiæ littora vexit  
Per maria alta viros: ſed ſeptem tabida febris  
Inuaſit, letoq. dedit, dum cæcula verro.  
Hos ego non vinclis, non dura compede vinctos  
Ducebam, ſed erant comites, ſemperq. viciffim  
Illorum ſermone dies, nocteſq. fruebar:  
Vt me ſermonem patrium, moreſq. docerent.  
Mox ait interpres: Fugite hinc, tortoſq. rudentes  
Rumpite, quaq. vocant nos flamina parte, ſequamur.  
Ipſe iube acciri ſocios atq. agmina; namq.  
Quæ te circumſtent inopina pericula neſcis.*

*Cannibalum ingentem numerum per curua videbis  
Littora, ſi attigerit ſurgens te his Veſper in oris.  
Nam totis effræna ruet de montibus hæc gens,  
Quæ pedibus ſuperat celeres pernicious auras  
Non horret gens illa necem, non vulnera vitat.  
Vicinos terræ tractus populantur, & audent  
In fines longe poſitos excurrere, campisq.  
Inuentas abigunt prædas, ſemperq. vagantur  
Impavidi: interdum centenis lintribus æquor  
Prædantur, pagosq. petunt, curſumq. fugamq.  
Iniiciunt, nec certa ſalus fugientibus vlla eſt.*

*Hæc ſunt arma, quibus Caribes vtuntur in hoſtes  
Finitimos, cum bellantur: ſaturata venenis  
Spicula, arundineæq. ſudes, fulteſq. preuſti  
Sunt enſes facti e palma, pinuq. frequenti.*

*Hi ſaxo magna offa acuunt, ſummumq. ſagitte,*

Telorumq. cacumen acutis ossibus armant:  
 Quorum armare acies gens illa est sueta veneno.  
 Infensi Caribes populis sunt deniq; nec gens  
 Ulla potest sese venienti opponere turbæ.  
 Innumeros cymbis vallos, & vincula secum  
 Mille ferunt, optantq. locum, quem cingere possint  
 Aggere, & in morem castrorum claudere fossa.  
 Hoc faciunt, quoties nigris nox occupat umbris  
 Tellurem: sed præcipue cum condita terris  
 Luna negat nitidum cæli per inania lumen.

In silvis tecta ædificant sublimia nexis  
 Arboribus, folijsq. tegunt. hæc insula mittit  
 Gossipium: & varias volucres nemora ardua pascunt.  
 Indigenas nuper captas cum munere misi.  
 Illæ etenim norant solita qua rupe laterent:  
 Atq. animos blando pariter sermone, datisq.  
 Plurima quæ secum tulerant, mouere furentum  
 Cannibalum, inductos quos spe, & dulcedine lucri,  
 Mane nouo, cum Sol tenebras depellit, & almam  
 Inducit terris lucem, per pascua multos  
 Ante alios secum mulier ducebat: at illi  
 Nos procul vt videre, metu vestigia retro  
 Conuertere, velut cerui, quos turba luporum  
 Insequitur, notasq. metu subiere cauernas.

Tum demum cedente die, noctisq. sub ortum,  
 Nullis Cannibalum silua ve, aut littore captis,  
 Conscendi illorum perfractis lintribus equor:  
 Visendiq. viros cupidus, quos arce reliqui  
 Iam structa, classis cursus ad curua Quiqueiæ  
 Mœnia vertebam: sparsasq. per æquora vidi  
 Antillas: fulcansq. salum iam nocte propinqua  
 Sic est interpres fatus: Has aspice, ductor

Hesper.



*Hesperidum, terras atq. oppida Cannibalum que  
 Uxores habitant tantum nunc: namq. ubi terris  
 Ver redit, & Taurus celo se tollit aperto,  
 Inuisunt has Cannibali, & conuiuia siluis  
 Leta agitant, choreas plaudunt, siluisq. vagantur  
 Obliti solitas adducere per mare prædas  
 Depulsos a lacte mares per marmora secum  
 Adducunt propriam ad sedem, redeuntque, nec vnquã  
 Has sedes, nisi cum terras inuisit aquosum  
 Ver iterum, nitidosq. dies, tepidamq. reducit  
 Temperiem, durumq. gelu, brumamq. remittit.  
 Ille habitant certas sublimi in monte cauernas:  
 Queis sese, quoties aliquis petit aduena terra  
 Abdunt, & mox hostem armis, solitisq. sagittis  
 Depellunt, & multa ineunt certamina semper  
 Victrices, semper captos in tecta trahentes  
 Hanc Madaninam vocat illius incola terre.  
 Hoc vetuit spirans Boreas me accedere litus,  
 Ultra progredior ratibus maria alta reuoluens:  
 Multa per Oceani dispersas cæcula terras  
 Conspexi, lætæ felices ubere glebe.*

*Tempus erat, quo clara dies decedit, & umbra  
 Succedit gelidæ noctis, dehinc præuius ignes  
 Astrorum accendit Vesper, cum classe subimus  
 Iam fessa portum: iamq. anchora iacta carinas  
 Fundabat, placidum qua sese effundit in æquor  
 Flumen, ibi intentis interpret talia fatur:*

*Hæc etiam ditione tenent fera regna nefandi  
 Cannibali: nosco positas in montibus ædes:  
 Appellant Ayay (nomen nam rite recorder.)  
 Descendunt in terram altis de puppibus imam  
 Triginta, explorantq. locos, vicinaq. tecta:*

Qui subito dulces hausere è flumine lymphas,  
 Impleruntq. cados fluuiali hoc nectare, ibiq.  
 Quattuor innenere canes in littore tantum,  
 Quos nunquam latrare ferunt, siluisq. nec vnquam  
 Frondosis turbare feras: hi rustica semper  
 Tecta colunt, conduntq. suos sine murmure soles;  
 Queis testes geminos vellunt, stabulisq. recondunt;  
 Et mactant, cum lata parant conuiuia siluis.  
 Fæmineo generi parcunt, pãcosq. reseruant:  
 Quos in spem prolis certam gens illa future  
 Submittit: veluti pastor, qui per iuga montis  
 Ardua mille greges pascit, quos solus ad alta  
 Flumina, & in saltus, & leta in pascua ducit

Profiluere decem iuuenes, totidemq. puellæ  
 Caribium e domibus, petiere & per mare cursu  
 Precipiti, gemituq. graui nautasq. vocabant  
 Auxilio manibus iunctis, & poplite flexo.  
 Cannibaliq. fuga solitos petiere recessus.

Dum vero trahimus binos in littore soles,  
 Et silua remex sub opaca, & miles aquantur  
 Intrepidus, procul ecce vigil custodia, magnum  
 Aduentare videt, mali carchesia seruans  
 Nauita, Cannibalum pacata per æquora lembum:  
 Hunc subito noster venientem est miles adortus.  
 Illi autem non fracti animis, vllò ve timore  
 Torsere hos contra volitantia tela veneno  
 Armata, antiquo patriæ de more, priusquam  
 Se pictis tegeret clypeis Hispana inuentus.  
 Quid dicam? medijs pugna aspera surgit in vndis,  
 Quanquam essent pauci numeroque, & corpore nudi.  
 Hic mulier bona missilibus, longeq. sagitta  
 Fallente: ex nostris vnum confodit acuta

Cuspide

Cuspide stridentis teli, qui protinus ictu  
 Traiectus calido sædauit transstra cruore.  
 Militis interitu illa eadem letata, recuruo  
 Telum aliud cornu aptauit, iecitq. sagittam  
 Contra alium, quem tunc transfixit arundineia *acta*.  
 Hos inter, ni fallor, erat Regina, puerq.  
 Regius aspectu toruo: namq. illa ferox gens  
 His assurgebant solis, moremq. gerebant.  
 Videre vt nostri sese in discrimine tanto,  
 Vnanimis potius voluerunt cominus illis  
 Tunc conferre manus, quam longe occumbere iactis  
 Caribium iaculis. mora nulla, per æquora proras  
 Impellit clypeata cohors, subitoq. suburget  
 Illorum solida confectum ex arbore lintrem,  
 Et mersit pelago. spectabam hanc littore pugnam.

Forsitan & pugne finē PERENOTTE requiras  
 Extremam, breuiter referam. non obruit illos  
 Oceani rapida vnda maris: per nota natabant  
 Æquora, & in nostros vibrabant spicula cornu  
 Adducto: haud pauidi iuuenes, pauidę ve puellę.  
 Ad saxum pelago tectum mox illa recepit  
 Effera se pubes, miscens bella aspera in vndis,  
 Ut prius. hi tandem longo in certamine victi  
 In nostras venere manus: telo vnus acuto  
 Cannibalum interijt: duplicato at regia proles  
 Vulnere anhelantem vna animam diffudit in auras.  
 Hi ducti ad naues vinctiq. ferocia corda  
 Non posuere tamen. non tantum in retia lapsus  
 Auit aper, clausi ve caua sub rupe leones.  
 Iuius pertasi pugne, tunc aggere funes  
 Oluimus, & Caribum terram execramur, & æquor,  
 Nostrorum ob cædem mæsti, resonoq. volamus



Oceano aratis confisi curribus aura  
 Nimborum impulsis valida, sic cætera pubes  
 Insequitur, laxisque fretum proscindit habenis,  
 Non horrens pelagus, non procurentia saxa  
 In mare, nec tumido spirantia flamina ponto.

Sub lucem passim multas per marmora terras  
 In morem Cycladum sero sub vespere vidi:  
 Quarum alie plena arboribus à vertice summo  
 Montis erant, vsq. ad cliuosi tramitis oram:  
 Plene & crant alie passim beneolentibus herbis.

Parte alia ad celi tollebant sidera sese  
 Saxosi montes, rubro, varioq. colore  
 Conspicui, atq. oculis grati, nos sistere classem,  
 Et capere his portum terris vetuere frequentes,  
 Difficilesq. maris scopuli, turbataq. circum  
 Aequora, & inspersum spumosa aspergine pontus  
 Aspera erat facies. atq. intractabilis vnda  
 Latrantis pelagi, secum intolerabilis Auster  
 Et fœdam tempestatem, nimbosq. ferebat.

Huius tam vasti tractus, rapidiq. profundi  
 In medio Burichena iacet circumdata latis  
 Littoribus, non his terris nemora ardua desunt.  
 Sunt illic magni portus, quanquam incolæ pontum  
 Non tranet, sed sit domibus contentus auitis.  
 Infense sunt hæ gentes, & cætera cunctis  
 Cannibalis, finesq. suos tutantur ab hoste:  
 Victores & sæpe domum sueta arma reportant.  
 Captiuos lacerant, flammis torrentq. vorantque.  
 Eliduntve oculos socijs spectantibus ambos:  
 Oppidaq. aggeribus, fossaque, & flumine cingunt.  
 Tunc nostri trabe descendunt, fontisq. liquores,  
 Celsaq. tecta adeunt: montes fugit omnis in altos  
 Agricola,

*Agricola, & vacuas sedes custode relinquit.  
 Hic Burichena suum Regem (ceu numen) honorat.  
 Sub noctem gemina indigena furtim, & puer ore  
 Egregius fugere simul, tacitiq. natarunt  
 Marmora, quos olim eripui de compede dura,  
 Et manibus Caribum: & patriam petiere, suosque:  
 Tantis amor erat his patrias inuisere terras,  
 Quamuis Cannibalum aduentus, atq. arma timerent.*

*Nos tandem fessi seruata classe tenemus  
 Primam Quiqueia terram reuoluta per alta,  
 Atq. antennarum sublimia cornua nautæ  
 Funibus intendunt, pelagiq. ad cæcula proras  
 Obuertunt: mox exponunt equitesq. virosq.  
 Pontibus, & primis ducibus comitatus ad altum  
 Accessi collem, vt socios, arcemq. viderem  
 Xamana in regione, maris prope cæcula vasti.  
 Quid referam? constructæ arcis vestigia nulla  
 Apparent, non agger erat, non vallus, at arcis  
 Reliquias ingens cineris calabat acervus.*

*Descendunt armati equites, peditumq. manipuli,  
 Littoreosq. tenent portus: petit ardua miles  
 Terrarum, & positas altis in rupibus arces.  
 Aerea personuit vicinos machina montes,  
 Conuallesq. cauas, sonituq. impleuerat oras  
 Aequoreas frustra: namq. incola traxerat omnes  
 Ad letum Hispanos, flammisq. inuoluerat arcem,*

*Hic Guacanarilli vextus dum sol fugat astra  
 Per mare germanus Regis tunc nomine binas  
 Detulit ex solido statuas auro mihi: sed tunc  
 Non potui seriem facti, non noscere causam,  
 Interpret quia nullus erat: nam de tribus vnum  
 Ex illis abiens, quos mecum per mare vexti,*

*Ultra*

*Ulro dimisi: sero sub vespere nabant.*

*Furtim alij, cum nigra tegit nox athera, & equor.*

*Hæc animo sedit sententia, mittere certos  
Decreui ad regem subito, vt causamque, modumq̃,  
Diceret, excidiumq̃, arcis, stragemq̃, meorum.  
Vt vero rediere viri, tunc vnus in ipso*

*Aggere stans tumuli flauæ sic cæpit arenæ:*

*(Et si ficta reor, quæ rex mihi Guacananillus  
Dixerit, hoc regis dictum nam fama refellit  
In cunctis vulgata locis, quos circuit ingens  
Insula, at ipse tamen referam, quæ dixerit ille.)*

*Aurato rex in thalamo, stratisq̃, iacebat  
Vulnere se simulans ægrum, cui crura, pedesq̃,  
Cæcula multiplici cingebant vincula nodo.  
Hic mihi tunc sandi postquam est data copia, regem  
Alloquor, atq̃, equites narro, peditumq̃, phalangas  
Venisse, & nostram tetigisse hæc littora, puppes:  
Succensaq̃, arcis causam, seriemq̃, rogabam.*

*Tunc rex, hanc classem non me aduentasse latebat:  
Venissemq̃, volens comitatus, ni mea quondam  
Crura graui bello fixisset cuspide telum.  
Euerseq̃, arcis memorabo, ex ordine causam,  
Quam petis. Hæc multos (vt scis) habet insula reges  
Vberibus late regnis, populisq̃, potentes:  
Qui postquam audire meis consistere terris  
Puppiibus aduectas gentes, armisq̃, tenere  
Littora, moliriq̃, vrbes, atq̃, oppida vallo  
Munire, & totum sua sub iuga mittere pontum,  
Exarsere graues animis concordibus ire.*

*Audire etiam peditum liquisse cohortem  
Arce noua, & secum raptas abducere prædas  
Christophorum, inq̃, oras ratibus rediisse superbas  
Quique-*



Quiqueiaq; nouas in regna reducere gentes  
Vere nouo, cum se partu terra alma resoluet.

Tunc super his commoti animi, mentesq; duorum  
Sunt regum, bellumq; parant inferre relictis  
Gentibus, & positam conuellere funditus arcem:  
Dant alij auxilium reges, suaq; agmina mittunt:  
Procedunt instructæ acies, & ad equora tendunt;  
Nec mora littoribus nostris bina agmina regum  
Apparent, dextraq; sudes, læuaq; pharetras  
Tela inimica gerunt, atq; arcem milite cingunt.

Postquam aures allapsa meas est nuntia fama,  
Accepsi subito multis cum millibus arcem,  
Inceptisq; viros suasi desistere, & arma  
Ponere, & hanc gentem redituram ad littora dixi  
Magna equitum, peditumq; manu: sic nam fore nostri  
Tam cecinere Cemes: sed nil mea verba, precesque,  
Nil monitus valuerè Deum. tunc lampada iecit  
Ardentem Rex longæuus, quæ iacta perussit  
Frondea tecta domus, tabulataq; proxima turri.

Tunc celer insequitur inueni factò agmine nimbus,  
Connexisq; parant trabibus conuellere vallum.

At parte ex alia iuuenum globus arma, manusq;  
Expendiunt: late sonitum dat stridula cornus:  
Aisile telum alij rapiunt: it clamor ad auras,  
Accensasq; faces flammis ad mœnia portant,  
Inuaduntq; nouam longis hastilibus arcem.

Hispanam volui gentem defendere vallo  
Inclusam, & ferre auxilium, meaq; agmina contra  
Opposui pugnātem aciem, flammāsque ferentem.  
Indebam per castra manus, tristisq; profabar:

Arma inhibete duces, irasq; remittite Reges:  
Arcite & hanc arcem flammis dare, parcite queso  
Militi-

*Militibus: vos triste manet sub sidere Veris  
Supplicium: accedet nostrum gens aduena littus,  
Et nostras exuret opes fundoq. reuellet  
Montibus impositas vrbes migrabimus omnes  
Extorres patria amissa, rebusq. relictis.*

*Sed dum per medios ignes, mediamq. ferebar  
Structam aciem numero tamen, & bellantibus impar,  
Vulnere crudeli suras transfixit arundo.  
Restat adhuc paruum leso sub poplite vulnus,  
Me lapsum famuli accipiunt, humerisq. reportant  
Ad littus: sed me vt cedentem ex agmine Reges  
Videre, incingunt duplicatis mœnia flammis.  
Tunc miles furit, & tectis incendia miscet,  
Atq. arcem, inclusosq. viros inuoluit in ignes.*

*Testor amicitiam, sancitaq. fœdera quondam,  
Et patrios Cemes, me non potuisse tueri  
Commisam hanc gentem fidei, & noua mœnia nostræ.  
Responsa audistis procures, audistis inanes  
Nectentem omnes causas, incendiaq. arcis.*

*Protinus vlcisci socios, ipsumq. volebam  
Indignans rigido violata ob fœdera ferro  
Mactare, at trepido timui ne regna tumultu,  
Et populorum animos turbarem Rege perempto.*

*Ad Guacanarilli montanas mittitur ædes  
Melchior, hæc eadem qui rettulit omnia, quæ iam  
Dixerat interpres: illum nam viderat alto  
Porrectum lecto, nec lesam crura sagitta,  
Regali at thalamo simulata mente iacentem.  
Ad me blanditijs hic Regem duxit, & ipsum  
Dimisi, vt ad propriam patriam sedesq. rediret:  
Quem mulier facie insignis, formaq. per æquor  
Vndosum cum septem alijs, confisa lacertis*

*Est Guacanarillum sub opaca nocte secuta.*

*Melchior interea legeret dum curua Quiqueig  
Littora, militibus multis comitatus, ut ipsum  
Quereret huc illuc fugientem per iuga montis  
Prospexit portum procuruum, & nauibus aptū,  
Cum ponto incumbit pennis niger Auster aquosis.  
Cingebant summi hunc colles, quibus vnda filebat  
Clausa, nec iratum pelagus, ventosq. timebat.*

*Hic adeo est portus curuum falcatus in arcum,  
Quo postquam ingressus fueris, mediumq. tenebis  
Nauigio, dextra quamuis, flectasue sinistra,  
At facile haud poteris quærens cognoscere primum  
Hic aditum, quamuis coniunctis frontibus intrent  
Tergeminæ has fauces nullo discrimine puppes.  
Inq. sinu medio montis scena ardua celsis  
Tollit se arboribus densisq. hic psittacus alas  
Depictus varias, atq. Indis corpore maior  
Peruolitat, renouatq. anium per guttura cantus.  
Hic dulci nemorosa canunt auiaia voce.*

*In portum duo decurrunt sat lumina magna  
Et varios ducunt secum ad maris æquora pisces.*

*Ipse etiam pelagi gentes, squamosa propago,  
Flumineis subeunt lymphis, gratoq. recessu,  
Insano laticis capti fluuiialis amore.*

*Decreui ipse urbem sublimi in colle, secundum  
Hunc portum (namq. aptus erat locus hic satis vrbi)  
Condere: silua hic alta trabes, vicinaq. rupes  
Saxa ministrabat, iuxta, hunc longissima montem  
Planities, & lata satis, quam plura fluenta  
Paruula, & alta rigant, aurumq. in cerula ducunt.  
Ipse autem hunc portum regalem nomine dixi.*

*Restigare viros circum vaga flumina, & vrbes,  
Ductores*



*Ductores valido certos cum milite misi:  
 Hoieda hos inter, Corlanus & alta propago,  
 Ante acies dextra, atq. animis prestantibus ambo.  
 Quattuor horum alter demonstrat flumina, & alter  
 Parte alia tria conspexit labentia ab ipsis  
 Montibus, auratis longe radiantia arenis.  
 Legerunt ciceris non pauca leguminis instar  
 Grana auri comites, maioraq. legit Hoiedas.*

*Mons erat haud longe a portu, quo condere castrum  
 Institui, cæpiq. domos attollere saxis,  
 Atq. MAGIS TRIBVS erexi, statuiq. sacellum.  
 Hic ubi decurrunt immixtis flumina arenis,  
 Et lento, nitidoq. auro, nec copia parua est.*

*Castrum aliud posui dictum de nomine Thomæ.  
 Atq. peragrata Cibaou latus ad urbem  
 Mox Isabellam redij, cum incundum ver,  
 Et tepidi crescunt soles. tunc fratre relicto,  
 Cui summam volui rerum, cui credere classem,  
 Assueto & bellis iampridem Margaritæo:  
 Quos iussi circum positas perquirere terras,  
 Et subito inuentas communi subdere Regi.*

*Tendo iter ad Cubam terna cum puppe per æquor:  
 Ne forte imperio premeret ratis aduena terras,  
 Oppidaque, regnumq. nouum; gentesq. repertas,  
 Oceaniq. meis inuentum puppibus equor.*

*Deserimus socias naues, mæstiq. volamus  
 Per mare; & aspirant animosis flatibus Euri.*

*Sub lucem nitidi Solis sese mihi portus  
 Ostentat, scopuli incuruo quem murice cingunt  
 Ingentes vastiq. maris silet vnda refusi.  
 Nicolo Dini hunc portum de nomine dixi,  
 Spectantem longe ditissima littora Cubæ.*

Sed latus accessi Cube, qua spectat ad Austros,  
 Maitij apparet tantum Iamaica diues,  
 Hortorumq. simul vario latissima cultu.

Vnum habet in medio sublimi hac insula montem  
 Vertice, qui latis tangit radicibus aquor,  
 Et sese circum nemoroso a littore tollens,  
 Paulatim molli ascensu se attollit ad auras,  
 Et media excelsum monstrat tellure cacumen:

Vnde licet spectare rates sua tecta petentes,  
 Quæ celso imposuere iugo: quotiensq. feroces  
 Cannibali hos turbant: subito de vertice currunt;  
 Incurruntq., alacresq. ineunt in littore pugnas.  
 Nam semper cum Cannibalis bella aspera ducunt.

Hunc gens dura colit longoq. exercita bello  
 Hostiles contra incursus, contraq. Quiqueie  
 Finitimos volui fessam ter sistere puppes  
 Littore iam capto, classem ter reppulit hostis,  
 Et loca nota tenent, opponuntq. agmina nostris.  
 Puppibus: adpressa tandem tellure, ruentem  
 Ad littus turbam aggredior: quæ nescia cuiquam  
 Terga dare, a patria nostros pellebat arena.  
 Pacati sunt tandem animi, pressiq. tumultus,  
 Visuriq. novas gentes ad cærule currunt.

Linquimus hanc etiam terram, Solemque secuti.  
 Occiduas versus terras currentia vidi  
 Torrentis fluuij in morem freta lata, sinusq.  
 Innumeros, centum & sparsas per cærule terras.

Dum vero impellunt a tergo flumina puppes,  
 Sub noctis tenebras, Cube nos accipit ingens  
 Viridis in faciem portus, atq. vnda silentis.  
 Oceani, quem feruenti tutantur ab æstu  
 Aequoris, & magno ventorum a turbine colles.

Hinc.

*Hinc atq. hinc stantes; quo nos subsistere visum est.*

*Protinus optatam in terram descendimus omnes,  
Intramusq. domos non longe a littore binas:  
In quibus innumeros pisces ardente videmus  
Impositos pruna, aut transfixos corpora vallis,  
Accedo propius siluam, quæ fronde virenti  
Vicinas edes scopulis, littusq. tegebat.*

*Qua nexos vidi ramis frondentibus angues:  
Atq. astricta alios conspexi funibus ora:  
Auulsos alij dentes (nec fallor) habebant.*

*Serpentes alit horribiles hæc insula: qui non  
Immittunt membris hominum letale venenum,  
Aut tactu, morsu ve truci, toruoque, ferinoq.  
Aspectu sunt, & vario sunt membra colore,  
Hi pelagus, terramque colunt, siluisque vagantur,  
Pomisq. ingluuiem, atque herbis siluestribus explent,  
Bisque decem interdum (dictu mirabile) soles,  
Nec potant, solitumque cibum, nec gramina carpunt.  
Regale hoc epulum est: hos frustra in paruula sectos  
Infigunt verubus, domibusq. epulantur auitis.*

*Dum vero positis in margine vescimur omnes  
Piscibus, aufugere viri: sed Didacus illos  
Accedens linguam edoctus, moresq. Quiqueia.  
Ad nos deduxit, dedimus queis plurima dona.*

*Insula Cuba tenet mores, quos ipsa Quiqueia.  
Et Lunam, Solemq. colit: similemq. relinquit  
Heredem, & fruges similes proiecit in aruis.*

*Ingenio felix est gens & mitis, & expers  
Armorum: sua rura colunt, cupidiq. videre  
Aduectas nuper longinqua per æquora gentes,  
Accedunt, puppesq. petunt, secumq. canistris  
Vimineis varias epulas, fontemq. gerebant.  
Nosq. etiam fessos descendere nauibus orant.*

*Littore*



Littore in hoc adeo calidarum est flumen aquarū,  
 Ut vix fumantes possit contingere lymphas  
 Ipsa manus longo hic se fundit in æquora tractu:  
 At procul ingenti fumant freta salsa calore,  
 Feruentes nec erat tutum transire per vndas,  
 Qua late inuoluebat aquis se fumidus amnis.

Iamq̃, diem nitidus ducebat Lucifer cre  
 Purpureo, & luce infusa fulgebat Olympus:  
 Cum nostri videre ratem, qua per mare pisces  
 Captabant nudi nautæ: tunc cominus illos  
 Aggredimur leuibus vicina per æquora cymbis.  
 Intrepidi nos expectant, gaudentq̃, profundo  
 Oceani ignotas illis spectare carinas.

Illi etenim vtuntur nulla compage phaselis  
 Intextis, solido, atq̃, vno sed robore, & vndas  
 Sulcant remorum valido tantum agmine freti.  
 Non illis velorum vsus, non nautica noscunt  
 Arma ratis, non astra polo surgentia seruant.  
 Vim nullam intulimus nautis piscantibus alto.

Sed tibi nunc mirum dicam, dignumq̃, relatu.  
 Hic piscis salsa est clarus venator in vnda  
 Quiqueie, necnon vastæ circa æquora Cubæ,  
 Anguilla similis nostræ, sed corpore maior,  
 Et facie informi, nostris non notus in oris.  
 Hic pisces insectatur, veluti canis acer  
 Errantes capreas campisq̃, & montibus altis:  
 Multiplices cuius squamę certo ordine corpus  
 Permiste spinis armant, veluti rubus asper.  
 Hunc Guaicanum appellat gens incola piscem.

Pellem habet hoc monstrū summa in ceruice, supraq̃,  
 Squallentes humeros, supra & squallentia colla.  
 Piscator trahit hunc intorto fune reuinctum,

Obstrictumq; ratis lateri, patrijsq. sub vndis  
 Pabula captiuo noctesq. diesq. ministrat:  
 Affixa est leuo lateri nam lignea sedes,  
 Quam colit, equoreas cum voluit turbidus vndas  
 Auster, & ex alto cadit imber, & Eurus arenas  
 Attollit supra scopulos: tunc sueta sub alto  
 Fornice tecta habitat, tutusq. quiescit in vndis.  
 Luce noua piscosa tenet loca nauta profundi,  
 Et secum ducit vinctum per cgrula piscem:  
 Atq. vbi squamosam prolem per marmora cernit,  
 Demittit subito funem: tunc ille per æquor,  
 Ceu liber vinclis, graditur, secumq. rudentem  
 Ducit, & errantem sequitur per carula prædam:  
 Sic contra ruit hos animis, & robore fidens.  
 Impositam dorso pellem mox explicat omnem,  
 Implicat & piscem coniecta pelle, capitq.  
 Intrepidus, spinisq; ferit (nam carcere nigro  
 Hunc frenat.) tunc nauta vigil de gurgite funem  
 Paulatim trahit ad littus, captosq; sub vndis  
 Luctantes simul adducit: sed cum prope terram  
 Accessit noua præda, leui piscator in altum  
 Dat sese celerans saltu, turbamq; per æquor  
 Sustinet: accurrunt comites, pariterq. labori  
 Succedunt: at piscis ouans captiua tenaci  
 Corpora rete tenet semper, semperq; teneret  
 Impavidus, patrio dum viueret æquore: sed cum  
 Cælum haurit, pellem laxat, piscesq; relinquit,  
 Et celer æquoreis mox sese fluctibus abdit.  
 Ille etenim cælum hoc nostrum, non aera nostrum.  
 Ferre potest, ideo nautæ piscem æquora supra  
 Tollunt, vt clausam linquat viso aere gentem.  
 Sæpe etiam varios glomerato examine pisces

Insidijs

*Insidijs capit, & visa testudine contra  
Tendit iter : nam dum placido noua pabula querit  
Concha mari, tenet ora sua non præscia mortis  
Exerta, & nullas pascens timet equore fraudes.*

*Hic piscis maria alta colit, piscator & omnis  
Vnum habet, facilisq; vnda quærentibus ille est  
Quattuor hi conchas nobis, piscesq; dederunt.  
Nos illis contra dedimus gratissima dona.*

*Pandimus has inter dum vero lintea terras,  
Indigenæ ruere ad ponticæna littora gentes,  
Et panem, & fructus, & secum ferre volucres,  
Intentiq; oculis nostras mirarier alnos,  
Dicere & e cælo nos descendisse supremo.*

*Insula sese etiam tractu tollebat eodem.  
Qua vidi tantum sinuosa ad littora toruo  
Aspectu, turpiq; canes, quos educat illa  
Barbara gens, illosq; neci demittit, & exta,  
Cunctaq; membra coquit, mensisq; epulatur auitis,  
Et consanguineas vocat ad conuiuia gentes.  
Hos referunt sine latratu componere soles.  
Vidi ego verberibus domitum, non edere vocem,  
Non gemitus non latratus, dum linqueret auræ  
Vitales tandem sub fuste & robore torto.*

*Sed dum transirem has inter rapida æquora terras,  
Apparent multa non tuto in gurgite fauces  
Angusti maris, hic poterat non nauita retro  
Vertere cunctantes iam fesso remige puppes.*

*Pontus erat niue candidior, sparsusq; recenti  
Lacte videbatur passim candescere fluctus.*

*Luna tenebat iter medium sublimis Olympi,  
Cum maris accessit scopulos prope littora tendens  
Puppis iter, Zephyrisq; legens felicibus oras.*



*Dumq. darem Cubæ turgentia vela per vndas.  
 Mons procul ostentat sese densissimus umbris:  
 Hunc subito fessi petimus, siluisq. subimus  
 Umbriferis, quarum summo de vertice fontes  
 Surgebant, raucoq. sono vada salsa petebant.*

*Hic pinus sese in celum pulcherrima tollit:  
 Palmaq. summa ferit cæli conuexa flagellis.  
 Tunc nautæ ingressi siluas ligna arida ferro  
 Scindebant, liquidisq. implebant fontibus urnas.  
 Has inter legerem sed dum freta concitæ terras,  
 Hic miles captare feras assuetus, opacam  
 Est siluam ingressus, vidit qui vestibus albis  
 Indutos homines vsq. ad vestigia: qui tunc  
 Vertit iter, meq. admonuit vidisse togatam  
 Hoc nemore aerio gentem: tunc letus in altam  
 Immisi siluam selecto ex ordine certos,  
 Qui nemus umbrosum transgressi, haud tædere gressus  
 Incæptos potuere vltra: nanq. herba tegebat  
 Plurima planitiem camporum, aditumq. vetabat.*

*Tunc subito rediit miles, rediensq. ferarum  
 Grandia conspexit vestigia tramite in alto:  
 Percussusq. metu mentem rediit celer ad nos.*

*Parte alia siluam ingentem fragantia versus  
 Conspexi longè, quam vitis plurimus ambit  
 Pampinus, innectitq. comas, ramosq. virentes.  
 Terram ad Hesperiam tali de vite racemos  
 Attulimus succo grauidos, dulciq. sapore.  
 Atq. grues magnas per pascua florea vidi.*

*Hos tractus regionis aquæ obduxere palustres,  
 In quibus ad littus conchilia lucida vidi.  
 At dum vela Notus tendit, flatuq. secundo  
 Aspirat nostris ratibus, procul ardua nautæ*

*Culmi-*

*Culmina terrarum aspiciunt, lucosq. sonantes.*

*Vertimus huc læti puppes, qua vasta secundum  
Æquora se gemine tollebant rupibus aëdes.*

*His domibus vir solus erat confectus & æuo,  
Et macie, & nulla velatus corpora veste.*

*Hunc ducunt propere ad naues, & ad æquora, quæ mox  
Didacus interpres dictis compellat amicis:*

*Et fieri hortatur, cui sint hæc subdita regno  
Littora, quæ re habitent trans montis culmina gentes.*

*Sed captus non dicta capit, nec percipit aure:*

*Ille tamen montem hunc ultra signisque manuq.*

*Monstrabat populum esse alium, regemq. potentem,*

*Qui sese indueret diuersis vestibus, ut nos.*

*Tunc cupidi versus iuga celsa ratesq. sinusq.*

*Dirigimus primæ soluentes tempore lucis.*

*Dumq. maris molimur iter per cæcula, centum*

*Occurrunt nobis lintres, signisq. salutant:*

*Miranturq. nouas puppes, habitumque, virosq.*

*Armatos, ostroq. duces, auroq. nitentes.*

*Hoc etiam tractu longo conchilia multa,*

*Quæ baccas gignunt limoso in littore vidi.*

*Me tenuit mora nulla loco: sed protinus ultra*

*Excurro: nec erat rupes, nec culmen in ipso*

*Littore, fumiferos quod non effunderet ignes.*

*Dum legimus scopulos, latebrosaq. saxa sub undis,*

*Et quæ spectabant Austrum, & quæ deniq. Eoum,*

*Tercentum positæ sinuoso in marmore terræ*

*Apparent, densis spectandæ frondibus omnes.*

*Inuitus tandem conuertere lintea cogor:*

*Nanq. omnis vario ventorum turbine puppis*

*Victa erat, & comites fessi, & fracta omnia nostra*

*Arma ratis longum ob cursum, & caua littora Cubæ,*

D 3 Tardaq.

*Tarda q. classis erat, quæ iam mare lassâ vadisum  
Presserat, & laxis acceperat equora rimis:  
Panis, & Oceani emensis corruptus ab undis  
Nauticus, atq. omnis rerum iam nauita fessus.*

*Mons erat ante oculos rapidæ præruptus aquar:  
Ut me tunc positum conspexi in limine leti,  
Sustuli ad alta oculos supera, & sic voce parentem  
Unigenæ Christi lacrymis sum fatus obortis.*

*Dum nos hac classe exigua freta mota tenemus  
Davidica ò proles Virgo, quæ clarius vllum  
Lumen, nec terre, nec habent celsa atria celi,  
Heu quianam tanti disiecta per æquora Cauri  
Prælia concurrunt inter se, haud ipse ego possem  
Soluere me his tumidis, nisi me Deus addiuuet, (vndis.  
Respice nos, audiq. preces. non (te duce) Syrtis,  
Aut Maleæ horrendas cautes, fluctusq. timebo.*

*Deinde ferit motum contis mare nautica pubes,  
Nec curat venturam hyemem ventosq. procaces:  
Haud longum in medio tempus, freta versa quierunt  
Et circumstrati fluctus 'Zephyriq. resedit  
Spiritus, & calo tempestas clara refulsit.  
Tunc me me ad socios vertens sic sum ore locutus.*

*Vidistis maris insidias, murmurq. minasq.  
Ingeminare notos, piceamq. insurgere noctem.  
Mox posuisse notos, pacataq. murmura ponti,  
Et lucem Oceano, & terris rediisse serena.  
Sint quamuis sine nube dies, sine flamine noctes,  
Attamen hæc non fraude carent, nec credere nautis  
Huic monstro sese tutum est, nec lenibus undis.*

*Sed dum nimborum crebrescere prælia sensi,  
Ipse sinum obliquo spirantia flamina contra,  
Et nautæ subigunt remis fera per freta puppes:*

*Vncta*



*Vincta natat pinus, quanquam esset fessa profundo.*

*Dum redeo, Boreas me vexit in equora magnis*

*Plena adeo testudinibus, vt nauita cursum*

*Flectere non posset magna sine mole retrorsum:*

*Has fauces tandem euasi: mox æquoris alti*

*Immensum tractum inuenio, qui gurgite ab imo,*

*Scythonia magis albus erat niue, lacteq. puro:*

*Et passim niueis spumabant fluctibus vnde.*

*Ipse gubernator metuens vada prona, propinquum*

*Contorsit proram retro, qua venerat, & qua*

*Non spirant vada, nec scopulis immurmurat æquor.*

*Et (mirum) nobis Cithæ venit obuia pubes,*

*(Nam nullos mea gens populos turbauerat armis)*

*Plurima dona ferens ad nauem lata, palumbesq.*

*Ingentes, quorum spirabat guttur odores*

*Assyrios: nos tunc accepto munere læti*

*Vela damus: quos & quondam metus acer agebat*

*In montes agitare fugam, nemorumq. latebris*

*Abdere se, nunc ad puppes, & ad ipsa ruebant*

*Sponte vada, & nostra gratissima munera classi*

*Portabant panem, & lympham, viridesq. volucres,*

*Et varios fructus, quos tellus illa ferebat:*

*Hanc gentes quæ tunc habitabant littoris oram*

*Quod rectum est seruant, viuunt sine legibus ullis:*

*Iudice non illis opus est, hi turpia damna*

*Non norunt, ulli ne nouas intendere lites.*

*Omnia sunt illis communia gentibus, vt Sol,*

*Et Luna est: atq. arua colunt quantum indiget vsus:*

*Nec quisquam seruat sua prædia: multa supersunt:*

*Iugera, quæ illis committere semina possent.*

*Non habet hæc regio felix regem re, tyrannum re,*

*Aut ciuem vitas, & crimina castigantem.*

Oppida non cingunt muris, non sepibus arua:  
Maitiumq. colunt tantum, iuccasq. agiesque.

Hinc ego discedens iterum rediturus easdem  
In partes sub casum hyemis, placido feror Euro  
Iam cum ad terram tepidum qua spectat ad Austrū.  
Et latera illius vidi, & nemora ardua longe,  
Et passim virides hortos, benevolentiaq. arua:  
Ipse viam hanc alacris tranquilla per equora iniui:  
Atq. ignota mihi nemora, & non parua fluentia.  
Dehinc sancti portum Nicolai intramus; ibiq.  
Accepit statio fessas tutissima puppes.

Portus erat circum saxis incinctus, & alto  
Gurgite stagnantis ponti, quo clausa silebat  
Vnda, nec horrifonos fluctus, ventosq. timebat.

Maxima dum vero, Quicquid stagna secabam  
Per maris irati rabiem perq. horrida saxa.  
Querebam vigil ipse locum, quo condere possem  
Portu procuruo fessas cum remige puppes,  
Me Deus interea haud liquit, dum Solis in ortu  
Aspexi terram, quæ respondebat Hayti  
Littoribus curvis contra, quam nomina dicunt  
Adamanam indigenæ: validis has inter vtrasq.  
Deferor impulsus ventis, ubi nocte sequenti,  
Passa suo de more graues est Luna labores.  
Tempestate eadem quinq. horas, atq. trientem  
Cognoui Gades inter differre: marisq.  
Quos ego sulcabam: abrupto cum sidere, fluctus:  
Turbati quæ causa maris fuit, atq. procelle.

Cete instar monstrum horrendū freta turbida tranās  
Venturam ob tempestatem, nec habere receptus  
Iam tutos poterat, ponto se immiscuit atro.

Tunc ego me in portus penetralia: & in caua saxa  
Addideram

*Addideram multos soles: sed post ubi vidi  
Pacatum pelagus, direxi carbasa versus  
Optatos portus, speratę & culmina Hayti.*

*Hic ubi germanumq. meum, comitesque, reperi  
Omnes incolumes, populum & parere volentem,  
Atq. nouam struere est visum hoc tunc tēpore puppe,  
Quassatasq. Notis aliquot sarcire carinas.  
Miles tela nouat, discissaq. carbasa nautę,  
Cum grauis Autumnus siluis ponebat, & aruis  
Innumeros latis fœtus: reditumq. parabam  
Cannibalum in terras, ut possem exurere sedes,  
Illorumq. rates flammis, & perdere ferro:  
Vicinasq. illis gentes, populumq. timore  
Soluere finitimum: sed enim grauis occupat ossa  
Morbus ob insomnes tot ductas per mare noctes.  
Semianimisq. dehinc Isabellę uectus ad urbem  
Me leto tandem eripui, rursusq. redire  
Vinique, frugumque, oleiq. cogit egestas  
Littus ad hesperium. namq. illis nauita noster  
Non poterat, milesq. cibis assuescere, quos fert  
Insula; ad Hispanum decreui tendere proras  
Euenere mihi sed quę prius ordine dicam.*

*Nos Vrbes geminas populi ut fundasse, nouasq.  
Ædificare domos uidere, & tollere cælo,  
Cingere & ingenti fossa, & circumdare uallo,  
Et premere imperio terras, atq. æquora circum,  
Confestim exarsere animis, petiereq. castrum  
Unanimes Diui Thomę cum milite multo:  
Vallaruntq. noua muros fossa, atq. corona.  
Cuius erat dominus tunc rex Caunobęa gente sq.  
Illius mensem totum obsidione tenebant:  
Haud pauidi nostros in prælia sua vocantes,*

*Nam*



Nam castrum posui dictum de nomine *Thoma*  
*Aeterno rerum domino in regione Cibani.*  
*Saxea sitq. licet tellus, vaga flumina multo*  
*Attamen effulgent auro, cum praecipue sunt*  
*Imbribus aucta, trahunt madidis de montibus aurum.*  
*Actutum hanc arcem praecinxi cespite viuo*  
*Permistis fruticum virgis, & robore secto,*  
*Et trabibus fracta vicino in littore puppis:*  
*Vt sese posset defendere miles ab hoste*  
*Inclusus, si qua interea sors aspra fuisset:*  
*Delegiq. locum supremo in colle, procul qui*  
*Spectabat regionem omnem, montesq. remotos.*  
*Hanc arcem intrauit bello praeclarus, & armis*  
*Margaritaeus princeps, dehinc ductor Hoedas:*

Hoc castrum indigene se vincere posse putabant,  
*Vt Guacanarillus quondam, qui funditus arcem,*  
*Quam nostrae fecere manus deleuit, & igni*  
*Tradidit, & nostros vita spoliauit, adessent*  
*Cum pauci, & rex rupisset foedusq. fidemq.*

Sed cum coepisset magnum increbrescere murmur  
*Obsidione premi nostros in monte Cibani,*  
*Armari pedites iussi, lectamq. cohortem,*  
*In frenare leues currus: tunc cornua rauco*  
*Clangore instrepuere cauum per inane, frementesq.*  
*Alipedes in bella mouent, grauitatq. inuentus*  
*Sequit, ob obscuro socios in carcere clausos.*

Mox iter arripere duces nullo ordine: sed cum  
*Haec gentes videre procul volitantia signa,*  
*Deseruere locum, & montes petiere supremos.*

Hoedas, cui credideram noua mœnia castris.  
*Iam liber, certos duxit, certosq. reliquit:*  
*Qui curam gererent arcis: mox obuius illis*

Proces-

*Proceffit, qui subsidio sub nocte serena  
Ibant, tunc acies iunctę quęq. obuia morti  
Corpora dant, mox Hoiedas se contulit ad nos,  
Et totam seriem facti, remq. ordine dixit.*

*Illum ad Caunoboam decreui mittere regem :  
Vlterius bello vt nollet contendere mecum,  
Suaderetq. illi iniustis discedere ab armis:  
Inter nos coeant potius sed sædera pacis.*

*Dumq. moram traheret magna in regione Cibauī,  
Missi etiam legati aderant mandata ferentes  
Ad regem, vt gentem sumptis detruderet armis :  
Quæ duro imperio circum sua regna tenebant;  
Quorum vnus, coram alloquitur, rex inclyte, tu nunc  
Non ne vides gentem hanc nostras subiungere terras  
Imperijs ausam, & tot veltigalia nunquam  
His nostris audita locis imponere, circumq.  
Aequoreos alias sub leges mittere tractus,  
Condere & his nostris etiam noua mœnia terris?  
Illorum tanta est animis innata cupido  
Rumpere tranquillam pacem, & longa otia nosq.  
Cogere seruitio, & duro parere tyranno,*

*Quin etiam (heu facinus) nostros infringere dicunt  
Velle Deos, sese penitusq. abolere, parantq.  
Ipforum sacras euertere protinus ædes.*

*Agricolę infundunt patrios non amplius agros,  
Maicijq. solo non mandant semina, at aurum  
Impulsi inquirunt per terrę viscera tantum,  
(Pro dolor) vnde fames nostris regionibus orta est.  
Quid referam? vxores nostras rapuere parentum  
E manibus, gremijsque, fuit non tuta iugales  
Nondum experta toros virgo: prædaq. recenti  
Ducti, & auaritia sese innoluere rapinis.*

*Matresq.*

*Matresq. & consanguineos, abductaq. furtim  
Pignora, ab insolito miseresce milite deslent.*

*Ne dubita, cuncti uenient in fœdere reges  
Finitimi, sparsæ circum hoc toto equore terre,  
Auxilioq. omnes uenient. Sed rem tibi dicam,  
Quam forsân minime reris. gens aspera bello,  
Atq. a stirpe genus durum: hoc immite licet nunc  
Sit nobis, regnisq. alijs. tamen arma capeisset  
Hos contra, cum nos uictos, aliosq. uidebunt,  
Illud idem tecum facient: quos seuus aperto  
Aduena hic, insequitur bello, terraque, marique.*

*Auxilioq. aderit nota insula Madanino,  
Quam Caribum uxores habitant, gens effera sumptis  
Arcubus, & iaculis: ullos quæ non timet hostes,  
Aduersaq. acie pugnans non uulnera uitat,  
Tendit in hostiles eadem quot tela phalangas:  
Impia contento tot uulnera dirigit arcu.*

*Talia uociferans, cunctis mirantibus, aulam  
Orator strepitu ingenti, fremituq. repleuit,  
Impulit, & capere arma, locumq. inuoluere flammis.*

*Parte alia Hoiedas suadebat fœdera regi  
Iungere, amicitiamq. nouam cum rege potentis  
Hesperie poterat solus qui uincere gentes  
Occiduas, nedum hos populos: quorum otia tantum  
Delectant muliebre animum, non bellica uirtus  
Verborumq. memor sit rex, quæ plurima Cemes  
Iam cecinere sui. stabat uelut ardua cedrus  
In Lybano sita: quam Boreæ fera uerbera flectunt  
Huc illuc, coguntq. comas contingere terram  
Interdum, lapsasq. ferunt per inania frondes.*

*Blanditijs tandem, atq. astu deduxit Hoedas  
Ad me Caunoboam regem: qui post ubi captum*



Se uidit, animum variis conuertit ad artes,  
Consciens ipse sibi sceleris: nam fortia leto  
Viginti dederat nostrorum corpora nuper.  
Non aliter frendet, quam lapsa in retia tigris,  
Quæ modo vi propria, modo dentibus & modo aduncis  
Vnguibus, aut astu perrumpere vincula tendit.

Admonet & fratrem collectas ducere gentes  
In bellum: mora nulla vocat germanus in arma  
Subiectos fratri populos, vicina, cogit  
Auxilia, & vastant cultoribus arua remotis.

Horridus ante aciem in iaculis, vultuq. minaci  
Caunobog germanus erat, nec terruit illum  
Armorum longe fulgor, sonitusq. tubarum.

Hic gentes in quinq. acies diuiserat, & dux  
Expertus bello pugnas de more ciebat,  
Atq. instigabat lætis clamoribus alas,  
Opposuitq. suas contra agmina nostra cohortes,  
Stans medius. cernens Hoiedas tutius esse  
Leuam aciem nostris armis inuadere: aperto  
Agminibus quam tot iunctis concurrere bello.

Dehinc dubius stetit an primum prosternere nodū,  
An dextrum vellet peditum, cornuue sinistrum  
Immisis turbaret equis: ceu seuæ leena:  
Quæ videt in specula siluis errare iuuenços,  
Parte alia gregibus permistos carpere gramen  
Intonsum cernit subter nemora ardua tauros.  
Illa animum rapit huc illuc, an florea cursu  
Prata petat, laceretq. gregem, pariterq. iuuenços  
Inuadat, dubia: in tauros resoluta feroces  
Vertit iter: sic Hoiedas cum milite læto  
Aggressus cuneum est dextrum: nam dehinc ubi uidit  
Illorum ductor, princepsq. expertus, Hoedam

Ful-

Fulgentem phaleris, flammaeq. vmbone vomentem  
 Et galea, secumq. metum, strepitusq. ferentem  
 Ignibus immistos, & equo clypeata regentem  
 Agmina: non aliter pugna perterritus hæsit,  
 Quam lupus, Atlantis sequitur dum per iuga tauros,  
 Aeria longe spectans de rupe leonem,  
 Perfusus latos humeros, atq. ora cruore.  
 Olli animus sulc. iniecta formidine torpet,  
 Nec versare dolos, nec fidere cursu,  
 Non animis contra ire capit. verum ille ubi vidit  
 Iactum intra teli pugnam aduentare, remissis  
 Tunc loris equitum erupit clamore, & equorum  
 Pectoribus strauit pugnantum pectora cursu,  
 Et belli nodo, leua de parte timorem  
 Immisit: fugere alij per prata, cauasq.  
 Per rupes, tenuere viam, pacemq. petebant.  
 Ductorem belli captiuum duxit Hocdas.  
 Exultat sonipes nudis immittere turmis  
 Terrorem, atq. metu patrijs hos abdere siluis  
 Accidit & nostris sors hæc aduersa carinis,  
 Impedit quæ classis iter: nam sideris ortu  
 Sub Cancri Eoo surgens de cardine venit  
 Turbo ingens: qui præruptis radicibus imis  
 Euertit, strauitq. solo, & nemora ardua longe  
 Planitiem in latam traxit, piceasq. procellas,  
 Et tumido fluctu radiantia sidera tinxit;  
 Immersitq. rates vndis, & vincula rupit,  
 Namq. mare in terram irrupit cum turbine vasto;  
 Quiqueiæ & pariter littus, vicinaq. ponto  
 Proluit arua, domosq. maris deuexit ad vndas.  
 Iamq. fere amissis ratibus in gurgite, tristes  
 Pectore voluebam curas, hinc bella premebant  
 Canniba-

Annibalum: hinc tanto quassata a turbine puppes:  
Hinc fessi comites, illinc penuria rerum.  
Hec animis potior nobis sententia surgit:

Iussi ego tunc subito geminas aptare carinas,  
Atq. rates refici, perfractaq. transira nouari.  
Certatim socij incumbunt, & in æquora classem  
Deducunt, Taurus cum sese attollere cælo  
Inciperet, nos exorto iam Sole tenemus  
Æquoreos cursus ratibus: sed fratre relicto,  
Qui late regeret populos, & quem penes esset  
Imperium maris Oceani, atq. exercitus omnis.

Ducebam mecum hos geminos per cærulea reges:  
Hi testes mihi sunt procures, quos non mala febris  
Corripuit, non morbus edax mærentia præssit  
Corpora, sed miseros dolor ingens abstulit, ut se  
Viderunt duci captos ad regna potentis  
Hesperig, quam diues aquis sæcundat Iberus.  
Aduersa redij sine tempestate remenso  
Æquore, ad optatos portus solita vrbe morantem  
Inueni propere regem. rex protinus armis  
Instructas octo puppes, atq. æra, manumq.  
Cætam hominum, viniq. cados, frugesq. ministrar,  
Atq. illas soluens Hispano è littore tandem,  
Inueni exigua tota cum classe Maderam,  
Et misi ad fratrem naues: mala & aspera sed fors  
Quique eiq. nobis inimicas detulit oras,  
Oldanus quas, & socij ditione tenebant.



# DE NAVIGATIONE CHRISTOPH. COLVMBI LIBER TERTIVS

## ARGVMENTVM.

Infames fuit Hesperidas: prope deperit astu  
Dū venit ad Pariā: hic mores, gen<sup>o</sup>, & loca discit:  
Post Manacumanam terrā ditemq. Cumanam,  
Curianamq. legens, Quiqueie constitit aruis:  
Mittitur ad regem vinc̄tus: nil tale merentem,  
Rex leuat amplexu, ceptosq. hortatur ad ausus.



**I**NDE ego digrediens ternis cum puppibus  
equor  
Excurro maris, hic sparsas per tot vada  
terras

Inuenio, quas Hesperidas coluisse superstes  
Fama refert: has infectas vitio aeris oras  
Effugimus, densaq. simul caligine cælum.

Dehinc testudinibus plenum tandem ad mare veni,  
Applicuiq. rates vicini ad littoris oram,  
Quod gentes habitant diuersa per equora vestræ,  
Quas scabies mala pertentat, quam sanguine largo,  
Et gelido illarum tingunt, niueumq. colorem,  
Inuisamq. luem toto de corpore pellunt,

Insula non longe posita est, quæ vertice ab alto  
Et circum latera, & circum iuga celsa ruebat  
Ignitos cæli rapido cum turbine tractus,  
Cum spirant ualidi Auroræ de partibus Euri,

Et

*Et caua percurrunt immixtis flatibus antra,  
Ardentesq. globos flammaram ad sidera voluit  
Sulphureo immistos fumo, atq. bituminis aura.*

*Non secus Aetna solet luce expirare cauernis  
Sicanijs volucres fumos, & noctibus ignes.  
Atq. viam tenuit vasti maris aerea pinus  
Australis, tandemq. in feruida marmora ponti  
Rumpimus. hic calor Austrinus mēbra, ossa, medullasq.  
Intrabat, nec erat requies: nam mole fluebat  
Corporea immundus sudor calefactus, & aer  
Pene ipsa vrebant caua vela, grauisq. carinas  
Vexabat fessas pelagi sine murmure feruor:  
Atq. cados aestus scindebat, & arida transtra:  
Nauita nec poterat tantos perferre calores.*

*Et tunc tempus erat, quo messor letus aristas  
Colligit, & late Cancris sub sideris ortu  
Aestuatur omnis ager, campiq. ardore debiscunt.  
Interea hic octo soles sine flatibus vllis  
Ventorum, placidus tanto in discrimine pontus  
Oppressum me detinuit, vbi nulla salutis  
Spes erat, & iuuat nos tunc densissima nubes,  
Quae texit spatium hoc ponti, nostrasq. biremes.  
Hic ego me calo vertens sum talia fatus. (Etum*

*Eripe me his, PATER ALME, malis, et per mare ve-  
Respice in infidas syrtes, da tendere cursus  
Posse ratem ad portum, tantosq. auertere casus.  
Adsis o VIRGO ALMA precor sanctissima, namq.  
In sua vota vocat te nauita, cum mare fundo  
Aestuatur, & rapidi voluunt freta feruida venti.  
Inq. fugam infesto conuersus miles ab hoste  
Te semper vocat auxilio: filiusq. viator  
Luciferi insidijs hominum deprensus in ortu*

*Alta suos tendens ad celi sidera vultus,  
Latronum duce te sperat se evadere fraudes,  
Unigenamq. tuum, mihi qui Dominusque, Deusq.  
Et fuit, & mihi semper erit, ne descrat, ora.*

*Nec mora spirarunt vulturni flamina, & aquor  
Per placidum puppis fertur, rostroq. profundum  
Tranquillum ruit huc illuc, versusq. cadentem,  
Qua longe montes aperit, siluamq. comantem,  
Impello Solem puppes, & currimus vndas.*

*Tunc noster sese vertex subducere cœpit,  
Astrorumq. alios hunc contra aspeximus ignes,  
Atq. aliam cali faciem, quam noram ego primum  
Esse plagam austrine partis: nam sidera nostris  
Elucent mage, temperies mitissima passim est.  
Ipsa ratis vasti dorsum maris ascendebat.  
Haud secus, ac celsum montem: sed non tamen vlla  
Ardua terrarum prope, vel longinqua videbam.*

*Tunc nos ignariq. vię trepidiq. calore,  
Protinus excutimur longinqua per equora cursu.  
Atq. iterum sese nostris ostendere cœpit  
Luminibus cœlo vertex sublimis ab alto.  
Tertia lux tandem nebulis erupit, & alto  
Fulsit, & è nostris astusque, calorq. recessit  
Ossibus, & membris venit vigor: inde per equor  
Ignotum tentamus iter, quo marmore vasto  
Nulla videbatur circum se attollere tellus.*

*Conscendit malum Mendez vt cernere posset,  
Eminis Oceani tractus, tunc lumina vertens  
Ad nos exclamat, longe se cernere terram,  
Quę montes ternos monstrat, siluamq. comantem.  
Quo læto clamore, dolor procul abfuit omnis,  
Et solitę vires animo rediere, abiitq.*

*Pallidus*



*Pallidus ore color, nosq. anxia cura reliquit.*

*Sed non hoc potui propter vada proxima littus  
Cernere: tunc illic silvas, & prata sub umbris  
Arboris, & littoreo benevolentia tractu  
Gramina, & halantes conspexi floribus hortos.  
Persequimur nostros cursus: tandemq. sub ortu  
Auroræ, & Solis radiantia lumina contra  
Tangimus ingentem portum, quum lucidus inter  
Signa Leo late attollit humerosque, iubasq.  
Fulgentes, & triticeas terit arca messes,  
Agricolamq. labor durus sub Sole fatigat.*

*Portus erat prope fontis aquam, quæ, tramite lapsa  
Gramineo mites undas, littusq. petebat.  
Huc nobis visum est defessas condere puppes,  
Compagesq. simul quassas coniungere, & arma  
Instaurare ratis, curare & corpora fessa.*

*Indigenæ nulli hanc littus, terrasq. colebant.  
Hisq. locis noui vestigia multa ferarum:  
Vicinumq. nemus tacitis accedere remis  
Aspexi cymbam, quæ per vada salsa vehebat  
Proceros membris iuuenes, quibus arma sagittæ,  
Scutaque, & arcus erant, semiuस्ताq. cuspidè tela.  
Longa his cæsaries, & non intorta fluebat  
Per latos effusa humeros, nigrantiaq. ora.  
Inguina gossipio cuncti, mistoq. colore  
Velabant, vittisq. femur, sed cateranudi.  
Ipse hos & signis, & lata voce vocabam:  
Queis non visa prius ostendi munera longe,  
Et specula hinc calyce enitido, paterasq. figuris  
Diuersis auro pictas, varioq. colore.  
Aera foraminibus pertusa, & concava dulces  
Innitus longè edebant, strepitusq. canoros.*

*Tincta colore rubro ramosa coralia pansis  
 Portabant nauta manibus. sed post ubi vidi  
 Nescia muneribus nostris mansuescere corda,  
 Detorsi hos contra lecto iam milite proram.  
 Illi autem validis conatibus impellebant  
 Per pelagus retro lembum: nec dona putabant  
 Nostra carere dolis: qui non caua vela, ratesq.  
 Cessabant spectare oculis, atq. arma, tubasque,  
 Atq. intertextas argento, & murice lenas,  
 Et longe rauca stridentia tympana voce.*

*Tunc ego conspiciens oblato munere me nil  
 Proficere, hic iulsi iuuenes inflare cicutas,  
 Atq. ebur, & cantus prova exercere vicissim;  
 Ducere, & assuetas sublimi in puppe choreas:  
 Illorum vt sonitus animi dulcedine motis,  
 Ne fugerent: Cymbam sistunt, remisq. relictis  
 Arma manu intrepidi rapiunt, cantuq. vocari  
 Insolito sese in certamina dura putabant,  
 Ignari sonitus litui, vocumq. canentum.*

*Nostrorum pars tela manu, neruoq. sagittas  
 Aptabat, necnon pugnae se quisq. parabat.  
 Hi tandem pacati animos ad carbasa tendunt  
 Descenduntq. simul, sequitur quos caetera pubes:  
 Atq. inter sese signis, nutuq. loquuntur:  
 Illi sed postquam rectorem accersere puppis  
 Me dextra videre, ruunt ad littora, & alnum  
 Conscendunt veriti insidias: volat illa per vndas,  
 Quos non insequimur: sed recto tramite vasti  
 Prosequimur pelagi tractum, quo non procul ingens  
 Cursus aquae liquido veniebat ab equore, qua Sol  
 Surgit, & occiduas tendit se vertere ad oras.*

*Inuia erat nautis, & non tractabilis vnda,*

*Quam*

Quam tenui, & fateor toties me mille procellis  
 Iactatum, atq. in vota Deum me sepe vocasse,  
 Qua late feruet Scylle tumida vnda sequacis,  
 Non me vexauit tantum tamen vllus in vndis  
 Terror, & indomitum medijs in syrtibus aquor.  
 Ulteriusq. ruens in aperta pericula, tandem  
 Inuenio immensas hoc ipso in littore fauces:  
 Ad quas ille ingens fluxus tendebat aquarum,  
 Et se condebat sinuoso hoc gurgite ponti.

His ego nauifragis decursibus ora Draconis  
 Ex re cui tunc dixi nomen. iacet insula iuxta  
 Cincta mari, non illa vllis habitata colonis.  
 Huic Margarite mihi nomen ponere visum est.  
 Nonnullos cursum tenui per marmora soles  
 Dulcis aqua, quantoq. magis, Granuella cadentem  
 Carbasa vertebam ad Solem, tanto magis amnis  
 Gratus erat: tantus sese erumpebat aquarum  
 Impetus in pelagi fluctus e faucibus alti  
 Luminis occurrens falsis resonantibus vndis,  
 Atq. inter sese veluti certamen inibant.  
 Altus hic ad leuam præcelso vertice se mons  
 Collebat celo, quem simius ora colebat  
 Torrida habens, nigrosq. oculos, caudamq. reflexam.  
 Quidum littus erat, nulliq. habitabilis ora.

Descendunt pauci in terram, qui sat bene cultos  
 Passim agros cernunt vacuos cultore, domusq.  
 Exiguas, qui forte habitabant montibus altis.  
 Et latere e montis læuo videre patentem  
 Laniticm, quam nos petimus: venire sed ipsi  
 Indigens, externas visuri ad littora gentes.

Tellurem hanc Pariam signis, & voce vocari  
 Ouimus, & plenam populis, atq. vberis campi.



Moribus hæc facilis gens est, membrisq. decora.  
Quattuor indigenas mecum per cerula vixi,  
Ut loca vel signis circum, nutuq. notarent.

His mihi non visum est Pariæ considerare regnis.  
Sed dum littoreos me velle capeßere tractus  
Abnuerem, procul ecce ruit gens nuda carinas  
Visendi studio ad puppes, classiq. propinquant  
Certatim innumere scindentes marmora cymbæ.  
Puro colla auro ornati, gemmisq. lacertosq.  
Armillis, petij signis quo littore bæccas,  
Totq. auri massas legerent. tunc barbara pubes  
Per nutus responsa dabat, gemasq. repertas,  
Atq. aurum fulua inuentum monstrabat arena.  
Armatos ego tunc vicina ad flumina misi  
Qui pelago, & siluis loca proxima cuncta notarent.  
Horum ductor erat miles: qui vidit in orbem  
Constructas edes, nigroq. sedilia ligno:  
Ast operosa tamen portant in vespere fructus  
Ignotos penitus nostris, varioq. colore:  
Alba ferunt, necnon & vina rubentia secum:  
Non vuis expressa, tamen gratissima vina,  
Fructibus innumeris facta, & piniualibus undis.

Sunt albi indigenæ, mites, placidique, nec vllum  
Ipforum hospitio domibus, non eminus arcent.  
Inguina gossipio velant, ac cætera nudi,  
Qui vero missi fuerant exquirere montes;  
Vicinosq. sinus, redierunt ad caua læti  
Littora, bæccarumq. simul candentia ferta  
Portarunt, viniq. cados, fructusque recentes.

His trahere haud sinere diu me tempus in oris  
Undis corruptæ fruges: sed linquere visum est  
Hæc terras, verum inuisuro vere sequenti.

Has Manacapanam indigenę, ditemq. Cubanam,  
 Curianamq. vocant felices vberē campos.  
 Et vetuere aurarum animę, pelagusq. vadosum,  
 Precipitesq. maris cursus, nam turbine magno  
 Ipsa movebatur huc illuc regia puppis.

Syrtibus his tandem & brenibus, dubijsq. periclis  
 Emersi classe incolumi, vada preteruectus  
 Saxeæ: dehinc tenui iam lasso remige tractus  
 Ingentis Paria, credens hanc esse marinis  
 Fluctibus incinctam & metuens, dum vela per oras  
 Occasus tendo credens me posse tenere  
 Littora Quiqueię: classis deuenit in altum,  
 Et rapidum flumen, cui cedat turbidus Ister,  
 Et Nilus: quamuis magno comitatus aquarum  
 Agmine septenis campos maris intret apertos  
 Fluminibus, paulo vltius mox mæstus ad ipsum  
 Occasum Solis verrebam cęrula classe;  
 Quęis passim (nam vera loquor) vires herba profundo  
 Remigijs inuisa: rates fluitantia ponto  
 Semina tardabant virides imitantia baccas  
 Lentisci, Letęq. maris sub fluctibus herba.  
 Sed cum me in vastoq. sinu, ignotisq. viderem  
 Herbis implicitum, verto mea vela retrorsum.  
 Ad Boream, fluctusq. seco Quiqueia versus  
 Littora, quę tandem iam nota per æquora recti  
 Prendimus, optatasq. diu deuenimus oras:  
 Num grauis Autumnus fructus ostenderet altis  
 Arboribus, summisq. in collibus vna ruberet.  
 Pauca super celebri dicam, PERENOTTE, Quiqueia:  
 Has inter fama quę non est vltima terras.  
 Castaneę similis folio est hec insula vasto  
 Inctæ mari: circum innumera quam mille coronant

Portusque, & liquidi fontes, & stagna, lacusque.  
 Hæc gens natura est facilis: nam poplite flexo  
 Ipse salutabam quoties de more Parentem  
 Unigenæ Christi genua inflectebat, & altam  
 Ad cæli sua tunc vertebat lumina sedem:

Hæc minor Hesperia paulo est: quam quattuor inter  
 Flumina lata flunt, quæ delabuntur ab altis  
 Montibus in medio positis, quibus insula surgit.  
 Inna petit nitidi resonans ingentia Solis  
 Lumina, & Eoæ litus, Iacbeq. secundus  
 Voluit in Oceanum cursus, qua perfurit Auster.  
 Tertius incurvo decurrit Naiba cornu  
 Horrificum versus Boream, gelidosq. triones.  
 Quartus Atibunicus tendit, qua lucida Solis  
 Lampas ad Oceanum vergit, rutiloq. recedens  
 Lumine sideribus terram, noctemq. relinquit.

Quattuor hæc nunquam robustus flumina fossor  
 Aggeribus (fama est) cingit, vel cespite vallat:  
 Attonitus sata læta videt, non vecta per agros  
 Vndantes, non tecta natant, non flumen abundans  
 Inuoluit homines vndis, aut ordeæ fossis.

Deducuntq. rates remis, sed palmula nostris  
 Longe est dissimilis mage, lataq., & æquore lembum  
 Brachia lenta trahunt, dehinc retro brachia ducunt,  
 Namq. carent scalmis, ubi possint ponere remos,

Quiqueia in cunctis fodiunt regionibus aurum:  
 Cibano tamen in tractu, magnaq. Cubana  
 Est facile, illud enim non sese abscondit in altis  
 Visceribus terræ, at primo se ostentat ab ictu  
 Cuspидis incurvæ, dum terram scindit agrestis.

Sæpe etiam effossis fluuiorum quæritur alueis,  
 Quæ rutilant vndæ: sed cum cadit humidus alto

Humor



Humor, & vndanti tellurem verberat imbre,  
 Tunc mistos auro latices vaga flumina ducunt.  
 Et parvus labor est ipsis: nam cœrula subter,  
 Atq. lacus, fluuiosq. natant: nec flatibus Austri  
 Terrentur, subita nec tempestate recedunt,  
 Pars implent cumulo vannum fluuiialis arene,  
 Quem manibus geminis quatiant: illa acta sub auras  
 Effulgens flauis aurum secludit arenis.

Non baccis gemmisq. carent hæc flumina, & omnis  
 Quiqueis sinus, atque eadem sunt monte Cibauro.

Auri terra ferax parua in ditione Cotoi est:  
 Qua si quis topbum frangat, vel saxa cauernis  
 Inclusa, apparent auri vestigia fului:  
 Et veræ elucent effossis rupibus auri.

Iamiroæ flumen qua miscet se æquore fons est,  
 Qui subter mare se condit & rursus ad auras  
 Occulto rediens saxoso erumpit biatu.  
 Indicio est immissus aquis ex subere cortex  
 Aridus aut folia Autumni labentia ramis,  
 Quæ collapsa fluunt vna cum fonte sub antris  
 Oceani, latebrisq. cauis, & reſta superne  
 Illo eodem ostentat vasto se rupis biatu.

Hæc tellus est cincta mari, densisq. cauernis.  
 Piscator colit hos scopulos, atque æquora tantum,  
 Lintribus exiguis, quæ sunt sat proxima: nam sex

Millia Quiqueis distant à littore magnæ.  
 Effodiunt hac electri regione metallum;  
 Quod graue, quod solidum atq. sonas, fuluoq. colore est.

Succinaq. his etiam nascuntur montibus, ipsisq.  
 E specubus stillat flauus color, egregiusque,  
 Acceptusq. ideo, & gratus pictoribus: illis  
 Nascitur atq. frutex siluis, qui grana coloris

Producit

Producit rubri tingendis vestibus apta.  
 Scriptores fruticem hunc coccum dixere Pelasgi:  
 Dulcis aque, salseq. lacus sunt montibus illis:  
 Planitiesq. alij in lata, quos verberat amplis  
 Retibus, & funda pisces, prædamq. reducit  
 Ad ripam piscator. ego hunc fallacibus hamis  
 Edocui errantes per stagna liquentia pisces  
 Fallere, & intextis illos includere nassis:  
 Conficere atq. hamos docui, & detexere nassam.  
 Nam capere hac nostra non norat arundine prædam.  
 Hic nassæ non usus erat, non tortilis hami.

Vere nouo viret herba comis graueolentibus, et cum  
 Ingruit æstatis feruor, nec tempore deficit  
 Autumni, aut cum sæuit hyems, cui Bagua nomen,  
 Exiguamq. illis nec dant sua flumina victum  
 Stagna, lacusq. elegit piscator callidus herbam hanc  
 Atq. minutatim tundit, spargitq. per undas,  
 Quæcis mista attonitos pisces facit, hosq. vagantes,  
 Atq. supinatos in aqua, non retibus illi,  
 Sed manibus viuos captant, mos hic quoq. nostris  
 In fluuijs seruatur adhuc cum sænore multo.

Ocia amant, nemorumq. leues cū cantibus umbras,  
 Lususq. & choreas nitidi prope fontis ad undas.  
 Non opus est illis bis tinctas murice lenas  
 Induere, atq. vias auro, quas sæmina Coa  
 Disposuit. viuunt nudi, & mollissima semper  
 Illic temperies ridet, nemora ardua longe  
 Frondent, & mites pendent ex arbore sætus.

Hic genus aucupij (uisu mirabile) dicam  
 Quo lacubus captant uolucres, undaq. palustri.  
 Namq. lacus circum uolitat immensa uolucrum  
 Copia: diuersis magnam quæ piscibus explent

Ingiunniem,

Ingluuiem, atq. herba uiridi quę plurima fundo est.

Hic mergi stagna ipsa colunt, coruiq. vagantes

Humidaq. herbosiss detondent prata sub undis.

Hic olor albus, anas, uarię fulicę, hic caput anser

Ostentans rutilum stagnis, cui corpore toto

Candor inest niueo montana ligustra colore,

Intaestasq. nives superans floremq. Hiacyinthi.

Nascitur intra hortos, sepemq. cucurbita uentre

Immenso: cui parua parens est arbor Hibura:

Protinus hanc assuetus aquis saxo cauat auceps,

Et siccatur sub Sole: lacusq. & stagna per alta,

Perq. undas late spargit: huc fluctuat, atq. huc

Illa lacu, qua confidit genus omne uolantum

Stagna colens, liquidosq. lacus, crassasq. paludes.

Accedit mox ad ripam, & nigrantia colla,

Et caput, & latos humeros includit inani

Cortice: dehinc terebrat, qua spirat anhelitus, & qua

Cernere pascentes possit per stagna volucres.

Artibus his fretus summo tenus ore liquores

Ingreditur, uolucrumq. petit densum agmen, & una

Per stagna incedit tacitus, centumq. uagatur

Alitibus permistus, auesq. intercipit arte

Incantas, captatq. dolis, nam dum caput undis

Demittit uolucris, rimatur & humida rostro

Stagna, cibos passim non alto in gurgite querens,

Dextraque, leuaq. caput mersum implicat auceps,

Frangit & actutum guttur, prædamq. reponit

Extinctam leuo lateri, qua mantica pendet:

Perq. pedes etiam dextra furtim capit auceps,

Dum lætę strepitant in aquis, & roribus alas

Perfundunt, alisq. vocant bipatentibus imbrem,

Quo plausu percussa sonat mota unda. sequentes

Nec



Nec sociæ terrentur aues, fugiunt ve, sed illam  
 Sponte putant demersam vndis, solamq. vagari  
 Per laticem & solitis lymphis stagnantibus escas  
 Quærere, vel subter nando percurrere ripas.  
 Plurima nam fluitans per stagna cucurbita tutas  
 Reddit ab insidijs anates, aliasq. volucres.  
 Sape sedet capiti volucris, quæ non timet vllas  
 Tunc fraudes, lacubusq. volat reuolatque, iterumq.  
 Aucupis insidit capiti: dumq. ille sub vndis  
 Spectat aues, canit illa, sonosq. e gutture rauco  
 Effundit, petit aut latices plaudentibus alis,  
 Corneaq. ora lacu volitans, facto agmine, mergit,  
 Aucupis & dextra patrijs occumbit in vndis.  
 Atq. alius tereti calamo confusus, & arcu  
 Alituum genus omne ferit per stagna sagittis:  
 Et si forte cadit medijs moritura sub vndis  
 Ardea, stagna secat celerans, prædamq. reportat.  
 Hunt anceps morem semper non seruat eundem,  
 Cum volucres capit, interdum nam fronde virenti  
 Quæ per stagna canunt volucres collumque, caputq.  
 Implicat, ingrediturq. filens tenuis ore lacunam,  
 Non longe a ripa liquidis stans rectus in vndis,  
 Qua late strepitant volucres, ludunt ve, cibum ve,  
 Rimantur, pelagiq. parant trans æquora cursum,  
 Vt nostræ faciunt volucres, cum littora linquunt,  
 Turmatimq. petunt tepidos, sine murmure soles.  
 Vt vero truncum arboreum, ramosq. virentes.  
 Et folijs baccisq. graues videre volucres  
 In medijs stantes vndis, necis inscia turba  
 Advolitant, ramisq. sedent fallacibus, illicq.  
 Exercent solitos cantus, alacresq. vagantur,  
 Et tanquam tuta reuolant ad frondea tecta,

*Et pedicas, fraudes q. petunt, pariterq. morantur,  
Frondebz ignare falsis se fidere ramis.*

*Callidus ast auceps sensim rostrum ve, pedem ve  
Arripit incautis aubus, captisq. repente  
Claudit iter vocis leua, dextraq. premendo,  
Terreat vt nec aues strepitu, neu sanguine lympham  
Inficiat, lateri anneſcit, qua mantica pendet.*

*Hic pꝛæceptis it falsus aquas de montibus altis  
Bahua, qui liquidos diuerso a fonte liquores  
Colligit, & terram Maguanam interluit vndis.  
Non alit hic vllos, vt cetera flumina, pisces,  
Undanti nec prata suo ringat, aut sata cursu,  
Auriferas falsum hoc non torquet flumen arenas.  
Accipit hunc terra alma sinu, conditq. latebris,  
Nec ponti contingit aquas, nec cornua mergit  
Oceano, aut illum gremio maris accipit vnda.*

*Planities hic magna iacet, campiq. patentes:  
Quos circum montes excelsa vertice cingunt.  
Commoda frumentis hæc sunt, & vitibus arua,  
Et pecori haud ingrata seges: nam gramina miris  
In vacuum se læta modis de cespite tollunt,  
Que non lædit hyems spirantibus aspra Cauris.  
Non nix alta tegit, bruma aut glacialis adurit.*

*Non procul innumeri sunt hic per pascua fontes:  
Quorum sunt latices alto sub gurgite falsi:  
Fontis at in medio tristis se effundit amaror:  
At qua fons summas ostendit lucidus vndas,  
Dulcis aque sapor est, gratusq. bibentibus humor.*

*Sunt populi agrestes Zauane, qui loca celsis  
Montibus alta colunt. & sese nocte cauernis  
Occultant, saxiq. ineunt sub fornice somnos.  
Rura, domosq. nihil curant, aut atria, sed quas  
Vallibus*

Vallibus in patrijs rupes natura cauant:  
 Et fructus, quos sponte tulit silua ardua carpunt,  
 Et liquidos semper fontes, aut flumina potant:  
 Aruaq. non curant, alias nec quarere se des.  
 Hæc gens finitimos spernit, carpitq. quietem  
 Aut siluis, aut valle caua, vel montis in antro.  
 Postquam Vesper adest, noctisq. superuenit umbra,  
 Illic errat amor: sed non noua cura quietem  
 Sollicitat, non bella mouent, non cogit amant es  
 Ad letum informe, aut ferro per petrus adactio  
 Oppetere: aut cum porta tonat resonantis Olympi  
 Turbato penetrare sinu veniente procella.

Hic amor est semper simplex, & semper inermis  
 Gaudia nec miscet curis, hic nullus amanti  
 Inuidet, aut aliquam simulans spe ludit inani.  
 Humano hos cuncti dicunt sermone carere.

Veloces magis sunt alijs, qui lata Quiqueia  
 Regna colunt: campoq. canis Spartanus aperto,  
 Aut silua in longa, cursu non vinceret illos.

Et si forte aliquis montano in vertice cernit  
 Hanc gentem, tunc terga fuge palantia nudat:  
 Et nulli nisi nota feris petit antra per umbras.  
 Tempore non ullo gens hæc mansuescit, & omnes  
 Conspectum fugiunt hominum. & commercia rerum.

Sal quoque lucidior vitro est Diagonis in altis  
 Montibus hunc scindunt cuneis, nec copia parua est.

Hic sunt aequales paruo discrimine soles,  
 Sine hyemem, siue æstatem Sol ducit ab alto  
 Aethere: & hæc causa est, cur nunquam prata recentes  
 Amittunt flores, aut arbor frondis honores.

Planities magna hic late est, quam perpetuus fons  
 Atq. alij bument, qui nunquam frigore torpent,

Aut



*Aut acri sub Sole calent, nec pascua flores*

*Aut folia amittunt: arct nec caltha sub ortu*

*Icarij canis, aut siluæ spoliantur honore.*

*Vere nouo folia ipsa cadunt, non frigore primo*

*Autumni, & subito redeunt, veteresq. videbis*

*Corticibus ramos solitaq. virescere fronde,*

*Nanq. comam ponit pratum, & se vestit eodem*

*Vere, nouosq. parit proprio de germine flores.*

*Nec crepitans grando teneras quatit horrida frondes*

*Siluarum, gelidus ve cadens e nubibus imber*

*Acrijs. herbas vrunt nec frigora brumæ.*

*Est tractu longo vallis, quam Guarionesus*

*Imperio regit: hic tellus est optima iactis*

*Seminibus, frugumq. ferax, & fertilis herbe,*

*Terrarumq. frequens humor non noxius aruis.*

*Noxia & his terris non sunt animalia morsu.*

*Et siluis non errat aper, non vallibus vrsus,*

*In segetes agit ante diem securus arator,*

*Nec timet ora lupi: crudus vestigia pero*

*Nulla tegit, qui mortifero defendat ab ictu*

*Aspidis agricolam spinoso in reпре latentis.*

*Non siluis, stagnis ve nocens mala gramina serpens*

*Pascitur, aut volitans armenta exterret Asylus,*

*Dum somnos umbris captant, dum pascua carpunt.*

*Letalis tamen est illis in partibus arbor:*

*Cuius si frondes seu uir, seu fœmina tangat,*

*Immittunt solo tactu letale venenum*

*Umbilicibus, & papulæ apparent, ceu verbera, toto*

*Corpore, mox sese torquens (miserabile) vitam*

*Efflat, & ore petit terram, velut arbor ab alto*

*Caesa polo: sed salsa potest per membra dolorem*

*Infusum, virusq. simul, pestemq. leuare*

*Vnda*

*Vnda maris, ponti si membra immerferit vndis.  
 Quin etiam illa hominem solo necat arbor odore,  
 Naribus hunc si quis captet: non stipitis huius  
 Accenso quisquam tecti penetralia trunco  
 Me moneat suffire: manu vel tangere frondes.*

*Tempore si certo non has accederet oras  
 Aspera Cannibalum gens bello, assuetaq. raptis,  
 Et uerubus torrere viros, & ponere mensis:  
 Latior haud vlla hac, non hac felicior vlla  
 Ora foret, populent licet & loca proxima tantum  
 Littoribus: tamen aduentus timet insula cuncta  
 Cannibalum, & sese specubusue, aut uallibus abdit.*

*Nulla adeo est regio, quæ non sit casibus ullis  
 Subdita; sit quamuis gemmis ditissima, & auro.*

*Quam simplex genus hoc hominum fuit accipe: nãq.  
 Quiqueiæ reges, unum uetere per annum  
 Semina maicij campis iactare colonos,  
 Ob causam hanc solum, quia nos sua regna putabant  
 Esse relicturos: quo tempore millia multa  
 Illorum periere fame per regna Quiqueiæ.*

*Cum rudis hac bello gens sit, tamen asperat hastas  
 Ofsibus atque apicem teli, cum tendit in hostem,  
 Et si forte ineunt belli certamina, semper  
 Fronte ligant geminos cemes, creduntq. iuuari  
 Auxilio illorum, dubiaq. euadere pugna.*

*Quid referam, ut letæ uicino in littore gentes  
 Perpetuum certis agitent sub moribus eum?  
 Illic non populi fasces tabularia seruant:  
 Illorum non cura animos accendit habendi:  
 Non aurum effossa quisquam tellure recondit:  
 Non captant regem insidijs, belloue laceffunt:  
 Littore eis habitant constructa mapalia siluis,*

*Quæ*

Quæ pinu, palmaq. tegunt, tutiq. vagantur  
 Prata per, agrestesq. domos, non extera verrunt  
 Aequora, non merces aliena ad littora portant:  
 Non aurum, non diuitias, non vrbs honores,  
 Non latos cupiunt fundos, non regia tecta,  
 Non animum informant studijs, fractosq. tubarum  
 Haud trepidi audiuere sonos: pax aurea seruat  
 Immunes belli gentes: atq. oppida & vrbes  
 Sidereos cursus varios, nec tempora norunt;  
 Vel cum luna filet vel cum pleno orbe relucet,  
 Aegraq. procurant subito sua corpora succis,  
 Iam correpta graui morbo, redduntq. saluti.

Noxia & his terris non sunt animalia morsu.  
 Omnia sunt illis communia gentibus, vt Sol,  
 Et Luna est: nec plura petunt, quam cogat egestas,  
 Castraq. nec cingunt muris, nec sepibus hortos,  
 Nec quisquam nouit sua prædia: multa supersunt  
 Ingera, quæis campis committere semina possent.

Non vendunt, nec emunt, rerum nec pondera norunt,  
 Metiri nec res vllas: non diuidit agros  
 Terminus, aut demens discordia fratribus vnquam,  
 Aut consanguineis incescit, nullaq. tangit  
 Hos cura indigenas, animus nec fluctuat ira,  
 Regnandi nisi causa: ferunt nanq. oppida, & vrbes  
 Arma inter sese, cum rex sine prole recessit,  
 Nec celi carpit vitales amplius auras,  
 Vt soli possint vacui ditione potiri.

Rex habet vxores triginta, de quibus vna;  
 Quæ quondam ante alias fuerat charissima regi,  
 Post obitum illius tumulo se condit eodem,  
 Sponte tamen: quem gossipio, vittisq. iacentem  
 Inuoluunt, cum supremum comitantur honorem:  
 Et capitis regale decus vittamq. trilicem,



Quę pendet cervice, humerosq. & pectora velat,  
 Ornatusq. ferunt solitos, conduntq. sepulchro.  
 Illiusq. canunt laudes, atq. inclyta facta.  
 Haud secus excubitor, nobis qui nunciat alnum  
 Aduentare diem, volucres ducitque, regitq.  
 Commissas sibi, sic ille cum coniuge, somnos  
 Nocte simul capiunt, atq. illum luce sequuntur.  
 Non etiam inter se oderunt, præcordia liuor  
 Non tentat, quanquam vna magis sit grata marito.

Hę nudę incedunt omnes: solum inguina velant:  
 Sed mulier non passa virum, partusq. labores  
 Non experta graues, nullo inguina velat amictu,  
 Collecto in nodum nec crine incedit, at ipsam  
 Cervicem, inq. humeros fundit, quem vitta reuincit  
 Alba supercilium supra, pressatq. corona:

Res rara est illis in partibus optima nautis  
 Qui liquidum per iter pelagi vasta æquora sulcant,  
 Seu cum sæuit hyems, seu cum calor ingruit aruis.

Est panis non ingratus, candore ligustra  
 Vincit, & exactum longe incorruptus in annum  
 Durat, nec cariem sentit, nec mucidus vnquam  
 Redditur, at lymphę tactu mora nulla putrescit.  
 Viderunt hunc nec nautę, nec secula prisca.

Est etiam Cubę, ac Quiqueię plurimus oris  
 Corporea haud magnus forma pulcherrimus ales,  
 Aera quę scindit nocturnum, quattuor alis  
 Membrana solida concretis, queis vice pennarum  
 Utitur, illa volat quoties: cui lumina fulgent,  
 Haud aliter quam nocte faces: geminosq. sub alis  
 Instar habet stellarum ignes: quotiesq. per umbras  
 Tendit iter, duplicem ingeminat (mirabile) lucem,  
 Resq. nouo per noctem atram fulgore relucent.

Indigenæ

*Indigenæ cuncti, morte aduentante, sororis  
Instituunt natos fundi, rerumq. suarum  
Hæredes, quia non credunt ex coniuge natos  
Esse suos: ideo iunctos sibi sanguine linquunt  
Totius tecti dominos, rurisq. paterni  
Germanæ semper natos, vterumq. sequuntur:*

*Sed si non superant: fratres, & pignora fratrum  
Hæredes faciunt: rex autem, cum venit hora  
Extrema, & mortem propior iam deniq. amicos  
Conuocat, & procures, & quos Quiqueia mores  
Iampridem tenuit, etiam hos in morte suprema  
Seruat, & heredem instituit, qui non piger armis  
Sit sumptis, vel consilio, & depellere possit  
Finitimas, cum perturbant sua littora gentes:*

*Nanq. sibi externam nec rex, nec ciuis adoptat  
Progeniem, veluti nostris consuescimus oris,*

*Luxanus paucis socijs comitatus, in altis  
Inuenit siluis primo sub vere racemos  
Labruscæ rutilos, mites, gratoq. sapore,  
Quas auri diues producit terra Cibani.*

*Ocia amat gens hæc: ideo non stringere cordi est  
Vere nouo ramos huius tam fertilis vug,  
At illam alitibus prædamque, ferisq. relinquit.*

*E nemorum ramis, folijs, & vertice pendet  
Gossipium: velare uetant hi corpora nudi  
Præsertim canet cum bruma in montibus, illic  
Nanq. in planitie campi ver floret. aprica.*

*Hic crebræq. cadunt pluuiæ: sed non fluit amnis  
Per sata culta suo, vel prata per herbida cursu.  
Ut solet Eridanus, toto cum turbidus alueo  
Accipit innumeros amnes, quos vnda solutis  
E niuibus tumefacta altis de montibus auxit:*

*Hi mare iuxta habitant, piscosa aut flumina iuxta  
Piscandiq; artem exercent saturare ferinis,  
Non cupiunt vnquam sese, sed piscibus aluum  
Distendunt, artem suprema etate reponunt  
Piscandi, nec amant siluas; nec concaua saxa  
Retia gossipio non texunt ordine nostro.*

*Incola Quiqueix nunquam sua littora linquit.  
Denteq. tergeminum nullum tenet anchora lintrem.  
Dissimilis tamen est illorum palmula nostris.*

*Illa habet at remos tantum lembosq; volucres,  
Quos stringunt solidoq; cauant de robore pinus:  
Vela haud lembus habet, celsi aut carchesia mali:*

*Octoginta intus nautas vehit arbor, & vndas  
Littoreas, liquidosq; lacus, stagna humida tranat.*

*Non terræ fluit e venis, vel montis ab antro  
Ferrum informe, cauant patrio sed cymbia saxo,  
Telluremq. simul, solidaq. ex arbore lintres.*

*Hic Iucca est Napi species, quam fossor ab alta  
Sublatam tellure cauat, succumq. nocentem  
Subducit pressans manibus, mox frangit, & vndis  
Corruptam miscet calidis, mistamq. reuoluit  
Sæpius, inq. orbem durat, subterq. calentem  
Occultat cinerem, coctamq. reponit in vsus  
Presentis victus. sed si (mirabile) succo  
Vescatur Iuccæ quisquam, letale venenum est:  
Haustus enim labe facta petit præcordia succus,  
Membraq. nigrescunt infuso læsa veneno.*

*Ostia transversum cannas posuere, putantes  
Se tutos fore ab ingressu, belliq. tumultu  
Securos, tanta est illis inscitia rerum.*

*Nascitur his campis, hortisq. cucurbita ventre  
Non paruo, similisq. vltimo, quam gignit Hibura  
Arbor*



Arbor pro fructu, solum hunc vtuntur in vsum  
 Indigenæ, vt possint haurire e fontibus vndis:  
 Succum habet hæc intus, qui felle est acrior omni:  
 Quare ea gens tristi illius sese abstinet vsum,  
 Duritiem testudineam quæ cortice vincit,  
 Quæ fluuij non ima petit, nec mergitur vnquam:  
 Sed leuitate sua liquidis hæc innatat vndis.  
 Et mos est illis barbam tondere, caputq.  
 Fœmina gossipio tenui, vittaque coercet  
 Cæsariem in nodi faciem, mox flamina tenuit.

Scribere non norunt, sed belli ingentia facta.  
 Et solitos mores populi, diuisaque regna,  
 Natisque & consanguineis stirpique futura,  
 Atque Iuuentuti tradunt miro ordine rerum  
 Res gestas, Cemesq; suos ab origine pandunt.

Vana superstitio terras oppresserat olim  
 Quiqueiæ, & quæ vicino circumdata ponto,  
 Donec lucem illis immisit cælicolum Rex,  
 Qua tandem agnouere Deum rerumque Parentem.

Quin etiam indigenæ cuncti sub tempore certo  
 Palmarum carpunt fructus, & roscida poma,  
 Teutonicoq; coquunt ritu, testisq; reponunt  
 Fistilibus: dulcis liquor est gratusq; palato.

Sunt pingues magis, & procero corpore tauri,  
 Et simul omne pecus, quod trasportauimus illuc,  
 Quam tauri, & pecudes, quæ nostris saltibus errant.

Quam nostris illic etiam felicius aruis  
 Herbaque, liniq; seges. vescuq; legumen  
 Proueniunt, & maiores fert campus aristis,  
 Campus aquis semper riguis, cum deficit humor,  
 Atq; æstu Solis magno terra ipsa dehiscit.

Huc vites olim attulimus, quæ (credite) nunc sunt

*Coniungibus similes vlmis, & pampinus umbra  
Exigua tabulata tegit, ramosq. superstat:  
Queis palmes Methimneus, queis Betica cedat  
Vitis, & increfcit que collibus vna Falernis.  
Terra ferax adeo filicum est, vt culmus in aruis  
Illic excretus sit maior arundine nostra.*

*Inclita tale solum tercentum exercet aratris  
Et preclara viris, & sanguine Brixia, tales  
Vomere scindit agros felix Insubria frugum,  
Et frugum pariter felix Sicania tellus.*

*Maicum speciem frumenti rusticus aruis  
Seminat, & nostro spica, culmoq. virenti  
Mains arundineis folijs: verum ingruit estas  
Torrida cum passim gravidis flauescit aristis,  
Tunc sese arenti paulatim nudat amictu,  
Atq. suas ostentat opes, & nuntiat ipsis  
Agricolis venisse diem, finemq. laborum.*

*Noctis aue nec habent siluis, domibusq. rapaces  
Quæ laniant rostro volucres: sed nocte soporem  
Securæ capiunt, prima vel luce diei,  
Aurea cum terris Aurora nitescere cæpit,  
Et lætæ inter se siluis strepitantq. canuntq.  
Nec metuunt, certo viscatas ordine virgas  
Arboribus positas, nec noctua decipit illas.*

*Fabula vulgata est cunctis, & credita terris  
Quiqueiq. primum geminas habitasse cauernas  
Ingentes, mortale genus, hominesq. vetabat  
Exire è Specubus geminis indignatus Sol,  
Ast Machoel antri custos, cum noscere vellet,  
Atq. videre situs telluris, & æquora, si qua  
Stent circumspèctat, dum flumina concita, & aquor,  
Et celi, noctisq. decus miratur & alta*

Tot nemora & valles curuas atq. herbida prata,  
 Confusus mentis sensus, errabat, & vna  
 Oblitus calles, necnon diuortia silue,  
 Vilit vbi errantem lucis, Sol percitus ira  
 In saxum Machoel subito conuertit, & omnes  
 Certatim indigenæ montem hunc de more quotannis  
 Inuisunt: alij ex antris exire volentes  
 Vt nuper Machoel fecit, sensere repente,  
 Se uerti in pictas volucres, alijq. virentes  
 In prunos, alij deformi corpore turpes  
 In ranas sunt conuersi, quæ nocte querelas  
 Ingeminant, & luce silent, donec properans Sol  
 Currat ad occasum, tunc limo vluaq. palustri  
 Attollunt caput, & lætanti gutture raucas  
 Diffundunt voces, securæ solis ab ortu.

Quique postquam dominari cœpimus oris,  
 Legitimo mulier quanquam esset iuncta marito,  
 Assueto tamen hi non concubitu indulgebant  
 Amplius, atq. illic virgo iam nubilis vllos  
 Non curabat item solito partu edere natos,  
 Ne graue seruitium ferrent, & si qua latenter  
 Mista viro fuerat, subito, sua pignora in auras  
 Aethereas ventura herbis, succoq. necabat,  
 (Et mirum dictu) cum sit gens dedita luxu,  
 Pronaq. nequitie multum tamen illa sorori,  
 Et natæ, matriq. e tiam non se immiscebat,  
 Esse nefas, immo magnum de more putabat.  
 Quin aliquis vitam exosus sese interimebat,

Auribus indigenæ, necnon & naribus aurum  
 Suspendunt, agitata mouet se bractea, narsque,  
 Atq. aures crepitat circum testudinis instar.  
 Spicula arundineo faciunt de stipite, quæ sunt



*Duritie indomita, nec taurea tegmina curant.*

*Quanta superstitio populis sit, regna Quiqueia,  
Qui diuersa colunt; paucis (aduertite) dicam:  
Illorum quæ longe animos oppresserat, & sic  
Ducebant miseri vitam sine numine vero.*

*Haud secus, ac puppis, valido quæ fertur ab Austro  
Per maris Ionios fluctus, perq; alta Charybdis;  
Nec sit qui clauum regat, obliquetq. triremem,  
Ingenti cum immane furens Notus vrgeat vnda  
In syrtes, scopulosq. rates, pelagiq. procellas.*

*Aerij specus est radices montis ad imas  
Iauana, quam populi indigenæ, gentesq. frequentant  
Externæ, summoq. locum venerantur honore.*

*Ante fores stabant Cemium simulacra duorum,  
Quos Patris eterni gens illa ignara colbat  
Olim: pro Sole, ac Luna hæc coluisse ferebant:  
Atq. canis ambos quondam exiluisse cauernis,  
Et cæli secuisse vias, vectosq. per altum  
Aethera luminibus cælum, terramq. vicissim,  
Et pontum lustrasse suis, propriosq. colores  
Cunctarum rerum diffusa luce per orbem  
Detexisse ferunt Ophyre lata arua colentes.  
Per noctem volitare animas post funera credunt.*

*A pelago procul horrifono præcelsa Cibani  
Saxeaq. est moles, necnon & concava ab alto  
Vertice, vbi longe strepitus auditur aquarum  
Diuersa de parte ruens: quod si quis ad ipsos  
Accedat sonitus lympharum, cominus: ille  
Nec longum tempus surdusq. fit, attonitusq. .*

*Non longe lacus hinc ingens, cui tristior vnda,  
Quiq. habet Oceani sua per stagna alta natantes  
Diuersos populos, quorum non copia parua est.*

*Nan-*

Nanq. per exesam rupem influit vnda patentis  
 Oceani, occultasq. vias agit illa profundum  
 Sub mare, & adducit secum per concaua saxa,  
 Peruiatq. humentem prædam; perq. hoc mare paruum  
 Indigenæ vidisse ferunt sub tempore veris,  
 Tempore & Autumni tantum longo ordine pisces.  
 Et noua monstra maris sulcare, & ludere in vndis.

Hi se scire putant ortum maris, atq. fluentum  
 Fluuiorum, viuosq. lacus, tardasq. paludes.  
 Aequoribus est his etiam Bouca insula parua,  
 Nobilis est quæ fontis aqua, mitiq. locorum  
 Temperie, cuius si quis de fonte liquores  
 Hauserit ante diem, subito fugit ægra senectus,  
 Atq. nouum veluti in florem conuersa virescit:  
 Integer, & sanguis venis fluit, haud secus anguis  
 Exiit hiberno squallentem frigore vestem,  
 Et spirans tollit per prata recentia cristas  
 Sanguineas, per humumq. humeris iam lucidus orbes  
 Immensos trahit, & teneris exultat in herbis.

Mens erat hunc mihi certa locum, fontemq. videre,  
 Illius & latices haurire, & membra salubri  
 Tingere lympa: quo vt longo, multoq. labore  
 Iam lapsum florem ætatis nunc rursus habere  
 Hac possem, meq. vt morbo, turpiq. podagra  
 Eriperem: quæ me seu Sol iam dimouet oris  
 Aethereis nigrantem umbram, seu candida secum  
 Luna uehit cælo radiantia sidera, torquet.

Non potui has ratibus sedes accedere: nanq.  
 Distabat longo felix hæc insula cursu:  
 Et Boreæ flatu intumuit maris unda furentis:  
 Et passim undosum spumis incannit æquor.  
 Vinitor & mites armis iam legerat uuas.

Quid

Quid meus Hayti Germanus fecerit oris,  
 Vel quas condiderit illis in partibus vrbes,  
 Et bello indigenas toties petisse phalanges,  
 Vicerit & varias acies, & Guarionesum,  
 Constituit populis dum vectigalia, & hostem  
 Depulerit, cum longo egeant sermone, filebo.  
 Hispanos, & quæ fuerit discordia quondam;  
 Quos mecum Oceani non nota per æquora vxi,  
 Meq; inter, cum nota satis sint cuncta, tacebo.  
 Ipse etiam inuentis a me noua nomina terris  
 Imposui, siue vrbs esset, siue insula, siue arx,

PERENOTTE, tamen nostrorum meta laborum  
 Hæc fuit: in vinclis vna cum fratre per vndas  
 Ducor ad Hesperium littus: sed post vbi Rex, &  
 Regina hoc norunt, soluere, ægreq; nefandum  
 Hoc scelus humana moti pietate tulerunt.

Hanc partē nostrorum etiā, GRANVELLANE, laborū  
 Extremam paucis memorabo, precipitet cum  
 Iam cælo nox, & fessis mortalibus astra  
 Dulces inuitant somnos, animoq; quietem.

Nam Rex Fernandus, coniunxq; Isabella duos me  
 Post annos quamuis confectum ætate senecta,  
 Atq; ægrum ob varios casus, fratremq; vocarunt  
 Ut uellem Quicquid ultra, versusq; cadentem  
 Tendere iter Solem, nostrisq; intacta carinis  
 Aequora, & Oceani tractus: tunc sponte dedit Rex  
 Quattuor instructas armis, & milite puppes.



91

# DE NAVIGATIONE

## CHRISTOPH. COLVMBI

### LIBER QVARTVS

#### ARGVMENTVM.

Quatuor regressus ratibus, noua iussa faceffit:  
 Occiduum ad Solem excurrit: confinia Cubæ  
 Lustrat, & à læua Guanasse ad littora tendit;  
 Mox Quiriquetanam vëto petit: inde per altum,  
 Xaguaram tetigit: Quiqueiaq. arua reuisens,  
 Hispanas tandem festus remeauit ad oras.



ER erat, & tepidos ducebant sidera soles,  
 Frondibus atq; nouis sese viridiq; colore  
 Vestibant nemora; & tellus lætata recen-  
 tem

Ob partum gremio terrestria sidera ale-  
 bat.

Mira exercebant volucres dulcedine cantus,  
 Desuetos ob longam hyemem, & mala frigora brumæ,  
 Et zephyri nautas intendere vela uocabant.  
 Cum liqui Hispanos portus, atq; æthera flexo  
 Poplite prospiciens lachrymis ita fabar abortis.

Ipsæ tuum ob nomen rege nos, PATER ALME, tuoque,  
 Nos tege nunc clypeo; & subitis defende periculis:  
 Et serua has puppes, tibi qui confidimus, in te  
 Qui spem nostram omnem, mentemq; locamus: et vnum  
 Te colimus, cum Sol collustrat lampade terras.  
 Et cum nox piceo terras inuoluit amictu.

Qui

*Qui quondam Oceani duce te penetrauimus amnes.*

*Canarias placido uentorum flamine uetus  
Deueni, dehinc accessi qua se insula tollit  
Que patria est Caribum, deserta, ast gramine lato,  
Et plena arboribus, per calum Luna prius quam  
Sidereum, amissam lumenq. instaurat, & ignes.*

*Quiqueis paucosq. dies noctesq. moratus:  
Iamaicamq. hinc digressus, Cubamq. reliqui  
A dextra, & vela extendens, qua Zephyrus flat,  
Littus ad appulimus Quanaſſe, quo mare uidi  
Indigenas tortis deuinctos funibus armos  
Gossipio lembos prope littora curua trahentes  
Horriſerum uersus Boream. ceu nauta carinas  
Medoaci ad ripas aduerso flumine pronus  
Longo fune trahit. sed postquam turba trahentum  
Hos lintres, nostros iam littora lata tenere,  
Atq. sequi ratibus longe uestigia cernit,  
Signa dedere manu, ne quisquam accederet alnos:  
Et clamore nouo littus, flumenq. replebant:  
Et pauci, nudiq. minis terrere putabant  
Se posse armatos pedites, classemque sequentem.*

*Non ferre hos tantos potuit gens Bætica fastus:  
Sed subito audaces hos inuasere, nec ullus  
Euasit, quisquam potuit non se dare iactu  
Oceano, non se manibus subducere nostris.*

*Reſtor erat rerum varijs mercator in oris.  
Fictilia hic latis, operosaq. pocula tranſtris  
Et pateras, & crateras, lanceſq. ferebat,  
Multaq. baccarum ſerta, & canentia puri  
Vellera goſſipij rebus mutauerat illa  
Externis, & ſæmineas ante omnia merces.*

*Cymbia multa aderant fuluo tranſlucida ſaxo*

*Facta,*

*Facta, cadiq. etiam, atq. nouacula multa, securesq.  
Atq. eodem factos portabant marmore cultros,  
Quorum erat e ligno capulus nigro, atq. recuruo.  
Stragula gossipij vario discreta colore  
Implebant proras, obscuraq. transira. forosq.*

*Rerum autem partem domino tunc reddere iussi,  
Et manibus, pedibusq. tenacia soluere vincla.*

*Sunt gentes illic solite connectere pennas  
Corporibus volucrum auulsas, atq. arte magistra  
E molli pluma diuersas pingere vestes.*

*Ultra progredior paulum: Quiriquetana nobis  
Ingens apparet regio, sæcundaq. campi  
Ubere. Maitium creat hæc, Aggesq. Lucasq.*

*Flumina sunt, quæ prata rigant, semperq. videtur.  
Illic Ver nitidum tepidos effundere soles.*

*Pascua habent semper noua gramina, prata recentes  
Semper alunt flores, interq. salubria valles  
Flumina decurrunt gregibus accomoda nostris,  
Armentisq. etiam frutices nemora alta ministrant,  
Semper & autumnus varijs se fœtibus auget,  
Spirat & asidue Zephyri leuis aura per agros.  
Arboreis latis folijs hi membra tegebant.*

*Hanc læti petimus terram, & descendimus omnes.*

*Et viridi facimus diuersa vmbracula pinu:*

*Et iuxta ponti tentoria tendimus vndam.*

*Et tabulis structum uelamus fronde sacellum,*

*Ornamusq. rates, pictisq. tapetibus aram.*

*Sacra sacerdotes nostri faciuntq. canuntq.*

*Ante aram, soluuntq. Deo sua debita vota:*

*Dehinc referunt nautæ submisso poplite grates.*

*Dum vero hæc peragunt, ingens concursus ad vndā  
Indigenum pelagi non vna parte fluebat:*



Nostraq. intenti posita formidine puppes  
 Spectabant: quos & regio fert illa, ferebant  
 Diversos terræ fructus, lymphasq. recentes,  
 Sernabat tumido quas ventre cucurbita clausas:  
 Submissiq. accedebant, dum munera nobis  
 Sponte dabant. Illos nos magno ad littora plausu  
 Excipimus, vitreisq. oneramus pectora fertis,  
 Et colla illorum: donamus tympana, acusque,  
 Et cultros, capuli quibus ex ebore, argentoque,  
 Et specula attuleram varias referentia formas,  
 Et veros vultus nitido splendentia vitro.  
 Atq. specilla, quibus procul, & prope cuncta videre  
 Grandævi possent homines, super omnia grata  
 Dona fuere magis senibus, qui mentem, animumq.  
 Expleri haud poterant, cum res inopina, nimisq.  
 Mira videretur: quoties nam naribus illa  
 Ponebant, tunc hi mage lucida cuncta videbant.

Hæc gens candenti tantum tegit inguina tela  
 Gossipy, vittave leui, quæ picta colore est.  
 Hæc vario quodam pomorum corpora succo  
 Ornatus causa tingunt, quæ protulit hortis  
 Arbor in irriguis, quam gens hos nutrit in vsus.  
 Ast alij nigro faciem, rubrove colore  
 Inficiunt florum, pluma aut texere volantum.

Sunt montes illic humiles, semperq. repleti  
 Fœtibus arhoreis, tellus, quæ spectat ad arctos  
 Silvarum plena est. ilex se tollit ad auras,  
 Arduaq. in vacuum extendit sua brachia pinus,  
 Palmaque: quas silvas tigris sæuisima seruat.  
 Et damæ, cerviq. leues, vastiq. leones,

Qui nunquam hos virides saltus, lucosq. relinquūt,  
 Hæc gens venatu inuigilat, terretq. virentes

Per

Per silvas cūrsu ceruos, capreasq. fugaces.  
 Quisq. suas habitat sedes, agrosq. frequentat.  
 Atq. comas inter, frondosaq. brachia supra  
 Altorum vitis nemorum quoq. serpit agrestis.  
 Et quamuis nullus ferro, vel falce putator  
 Strinxisset, cum terra suo letissima partu  
 Fundit opes, tamen hæc rutilis curuata racemis,  
 Pampineisq. ornata comis & grata virebat.  
 Hi vites ideo non curant ponere campis.  
 Et palma faciunt hastilia, tela, sagittasq.  
 Ingenti: quæ non aliter, quam spicula duro  
 Ferro armata hominum bellantum corpora iactu  
 Transfigunt, sternuntq. solo: facit ex quoq. palma  
 Vulnificos enses gens hæc, contosq. trabesq.

Illic gosfipium siluis, & collibus album,  
 Nascitur & plano. Sunt siluæ pruna ferentes:  
 Innumeri & fructus ibi sunt, gratiq. palato.  
 Diuersas regio felix fert illa volucres,  
 Quæ siluas, & stagna colunt, fluuiosque, lacusq.

Est turba hæc auium non vno picta colore,  
 Inter quas ales magna est, ceu sæmina pauo,  
 Et membris non inferior: cohors est sua cuique  
 Quisq. domi clausas tenet has, & pascit abunde.

Ipse ego tunc cernens dubium mare currere versus  
 Occasum, haud aliter, quam cum nix liquitur altis  
 Montibus, & Libyæ de parte superuenit imber  
 Maximus, & superant altas torrentia ripas  
 Flumina, perque cauas valles, & pascua secum  
 Tecta trahunt impulsa notis, atq. imbribus acta.

Vertere decreui cursus, & flectere vela  
 Surgentem versus Solem, sed relinquere nunquam  
 Hoc litus poteram, quo tempore letifer alto

Excedit

Excedit canis Icarius, pariterque calores  
Aestivi, & plenis se exercet rusticus arvis,  
Atque coloratas ostentat pampinus vuas.

Ducere nauigium conabar ad ora Draconis,  
Ad Pariq. sinus, rebar quos esse propinquos:  
Nanque mare undabat passim, classemq. ferebant  
Ventorum varij flatus, nec condere portu  
Iactatas poteram commota per. equora puppes  
Hic Quiriquetang liqui portusque, fretumque.  
Dum vero longe legerem caua littora, in amnem  
Perueni, qui se non immiscebat in equor,  
Qua primum Oceani tellurem cerula tangunt:  
Sed nitidus, resonansq. & recto flumine lymphas  
In freta lata suas longe pellebat ab ipso  
Marmore nomen adhuc seruans sua flumina quamuis  
Deserat, & rapido fera diuidat equora cursu.

Hic ubi stans uitreis vacuas in fluctibus urnas  
Impleui dulci hoc fluuio; mæstusque per altum  
Errabam: nam pontus erat tunc concitus Austro;  
Solis ad occasum tendens, inimicaque nautas  
Vnda fatigabat pelagi occurrentis, & vna  
Incæptum tardabat iter, & sæpe retrorsum  
Iam fessam impellens agitabat in equore nauem.  
Mox classe ærata tria flumina magna tenemus,  
Quorum adeo testudinibus, & piscibus amplis  
Ostia abundabant; ut vix euoluere in altos  
Se possent fluctus: ast horum crassaque, & ingens  
Florentes ripas fluuiorum ornabat arundo.

Plurimus hic Crocodilus erat ad lumina solis  
Quorundam in ripis fluuiorum stratus arena.  
Vidi his littoribus tercentum nauibus aptum  
Flumen aque, ad cuius fauces per carula terre

Quat.



Quattuor, & plenæ arboribus, & gramine multo :  
 Quæ poterant seruare aſtas à turbine puppes .

Bifidas legimus ſparſas per marmora terras  
 Arboribus quarum pendebant aurea ramis  
 Poma, velut noſtris dependent citria in hortis,  
 Atque ſequens Paria hoc littus uidi ipſe ibi portum  
 Circuitu magno ingentem, quem maximus annis  
 Augebat, mutique vnda, niuidaue ſecabat.

Mox ad Quicuri incolumes deuenimus oras.  
 Portus ubi, & ſtatio nautis tutiſſima, & altis  
 Arboribus circumſeptus, ſcopuliſq. patebat:  
 Ad quem confluxere viri terna arma tenentes:  
 Atq. quaternæ manu, mites tamen, illic illi,  
 Vt pacis ſignum dedimus, petiere carinas  
 Vnanimes noſtras merces mutare parati  
 Cum noſtris: vltro dedimus queis munera multa:  
 Sed quoniam abnuimus illorum ſumere merces  
 Eſſe dolos veriti donis abiere relictis.

Sunt forma cuncti inſignes: ſed ſcæmina velat  
 Goſſipio partes velandas, atq. capillum  
 Detondent: homines radunt ſed fronte fluentem:  
 Cæſariem, relinquuntq. comam qua poſterior pars  
 Eſt capitis, vittisq. ligant candentibus, hiſq.  
 Antiquo de more caputque, & tempora cingunt.  
 Ex quibus ipſe duos mecum per cærulea vexi.

Eſt illic gens indomita, & qui vulnera bello  
 Accipiunt, magno hunc omnes venerantur honore,  
 Illic non fluit, aut reſluit, maris vnda relabens,  
 Aut rediens ſolitum ad littus, velut æquoris eſtus  
 Britanni, Morinumve facit: vix nempe reſceſſus,  
 Accessusve poteſt quis vaſti noſcere ponti.

Arbor in hac regione viret pulcherrima ad vndam.

Oceani late contingens marmoris oram,  
 Quæ virides semper frondes, & brachia seruat.  
 Hæc ubi se in vacuum ramis, & vertice celso  
 Sustulit, in fluctus desleat prima flagella:  
 Deinde maris stagna alta petit, terræq. coheret.  
 Tunc ramus pelagi immissus sic pullulat altum  
 Sub mare, vitis vti propago crescit in arvis:  
 Post ubi radices egit, se tollit ab imo  
 Gurgite, perpetuis & inumbrat frondibus aquor.  
 Grata auibz semper, & ponti gentibus ora,  
 Seu cum Sol terras vrit, seu cum vndiq. cælum  
 Insonat, & motos voluunt vaga flamina fluctus.

Rarum animal colit has silvas par Cercopiteco,  
 Ingenti cauda, & longa, multumq. reflexa.  
 Per siluam hunc venator agit cum callidus altam,  
 Translit e ramo in ramum, & de vertice pinus  
 Verticem in alterius, vt avis fallitq. sequentem,  
 Venatorq. sequens non præde aspirat opime.  
 Hunc postquam vidit miles, percussit acuta  
 Cuspide stridentis teli, qui motus in iras  
 Desiluit subito e ramis hostemq. petiuit:  
 Et frendens rabie arma ferox iam nota mouebat.  
 Aspectu toruo, at miles, morsuq. ferenti  
 Exitium rotat ipse manu non territus ensen,  
 Et ferit. ille autem haud gemit percussus acerbo  
 Vulnere, cum vidit rigido truncum ense lacertum.  
 Hunc tandem grauitè spirantem ad littora, necnon  
 Multa reluctantem miles pertraxit: ibiq.  
 Prostratus paulum hic prora requiescere cæpit.  
 Staret atrox animi vinclis dum vinctus ahenis  
 Venantes alij magno clamore trahebant  
 Getosum, horribilemq. suem per crura, pedesq.

Ad nauem

Ad naudem captum insidijs, astuq. palude  
 Littorea, transtrisq. locant: tunc tergora setas  
 Horribiles erexit aper, erexit & hirtas  
 Monstrum informe suas hirsuto in pectore setas.  
 Cercopitecus aprum aggreditur, & sæpe reuinctum  
 Circumplexa angit cauda, sternitq. lacerto  
 Incolumi, validaq. manu caua guttura pressit,  
 Atq. animæ preclusit iter: gratissima nautis,  
 Militibusq. fuit pugna hæc. Sed cæpta sequamur  
 Ad finē, quæ iam properāt, PERENOTTE, supremū.

Servant hi populi siccata cadauera raris  
 Cratibus imposita Heroum, pariterq. parentum,  
 Inuoluunt folijs, quæ sic iam sicca reseruant.  
 Et plebs morte obita, siluis tumultatur in altis.

Hunc portum tandem liqui, velisq. rudentes  
 Carbasseis subito immisi: volat incita classis.  
 Ultra prætendens hæc ipsa ad littora uidi  
 Curua sinum, ad cuius fauces sunt quattuor alto  
 Insule in Oceano positæ, quas parua profundū  
 Inter se fora ingentis paulum discriminat vnda.  
 Circūtu hę portum magno, lateq. patentem  
 Efficiunt, cinctę arboribus frondentibus omnes,  
 Quęq. suis arbos oneratur fructibus: atq.  
 Floribus & varijs fragrat nemus, alta viretq.  
 Herba solo, cen Vere solet, ipsa insula dextram  
 Cerebarum partem portus, læuūq. vocauit  
 Abumeram. aspexi hic sparsas per cęrula terras  
 Innumeras, & pingue solum, fontesq. lucusq.  
 Et iuxta mare piscosum, cęlumq. serenum.  
 Est locus his celebris, fama & memoratus in oris:  
 Illic nam cęlum clara Sol luce serenat,  
 Et vaga Luna tenet noctes in luce nitenti,



*Semper & in teneras gelidus ros decidit herbas:  
Nec maris hos latices fragor intonat horrifer vnquam.*

*Corpore sunt homines nudi, varioq. colore  
Depicti, quos intextas ex vngue leonum  
Tigridis, aut seuq. patrio de more coronas  
Ferre iuuat, &serta haud vno facta colore:  
Queis adeo pendent diuersa monilia collo.  
Effinguntq. hæc in magnas aquilæ sue leonesue.  
Inguina gossipij velabat fœmina vitta.*

*Erepti hinc tandem, iuxta caua littora flumen  
Venimus, ad cuius ripas gens nuda sedebat:  
Que procul vt vidit nostras accedere puppes,  
Occurrunt cuncti nobis ad littus, & vndas  
Oribus acceptas fluuij, gramenq. vomebant.  
Nos contra, & magnis clamantes vocibus omnes:  
Telaque, spiculaque, nostrorum in castra cadebant,  
Exitiumque minabantur, penasque, necemque.*

*Indigenæ ad littus glomerati cominus hostes  
Nos ad bella vocant, hastasque, ensesque rotantes  
E palma factos, quos non educere oportet  
Vagina, & tandem ad pugnam se quisque parabat.  
Pulsa manu passim reboabant tympana, circumq.  
Hi conchas ore iustabant, quo bellica cantu  
Agmina, bellantumque animos accendere sueta  
Gens erat. Hic iussi tormenta hos ænea contra  
Aptare, & tantum tormento immittere vincla  
Stupea, non lapides, non duri robora ferri.*

*Vt vero audiuere viri strepitumque, sonumque,  
Æra per, flammæq. globos volitare per auras,  
Ipsosq. inuolui fumo, littusque, ratesq.  
Viderunt (nam non cessabat machina captos  
Ingeminare sonos, ignesq. efferre sub umbras,*

*Permā-*

*Permistosq. metus flammis, ceu fulmina ab alto  
Missa polo) sese terra strauere, precesq.  
Fundebant positis armis, pacemq. petebant  
Submissi, & nostras sponte accessere carinas:  
Atq. suas merces nostris cum mercibus vltro  
Mutarunt, alacresq. suos petiere recessus.*

*Se varie hi populi pingunt, varioq. colore:  
Pars faciem tantum, pars & bello inclita corpus,  
Pars faciem totam depingit, nudaq. membra.*

*Excurrunt hoc in pelagus satis alta flucta,  
Magnaque, que semper auri fulgore coruscant,  
Atq. acies pascunt oculorum, animosq. videndo.  
Non desunt varij per flumina lucida pisces.  
Beragua est fluius maiorque, & ditior auro  
In mare qui secum permistas voluit arenas.*

*Hunc inter fluium Iebam Cerabora gens est,  
Que nonit, lateat patrijs vbi montibus aurum,  
Ob nitidi cursum fluij, terręq. colorem,*

*Hęc certis aurum veteri de more diebus  
Cum rimatur humum, saxi atq. eruit ipsum  
Abstinet interea sese choreisque, iocisque,  
Et dapibus non indulget, thalamumq. reliquunt.  
Coniugis intactum, & Solis lustrantur ab oris  
Surgenti cum se ostentat, lucemq. reducit.  
Hę nihil indigenę nisi solis lumen adorant*

*Hic gentes nudę incedunt, contraq. tegunt se  
Arboreis pluuiam folijs, Solisq. calores:  
Quę tellus illic iuxta parit equora passim.*

*Pręterij Zaboram, & Cubigar duo flumina multũ  
Piscosa, & liquidis semper labentia lymphis,  
Quę permistum aurum volunt fluuialibus vndis.  
Hic terram Vibbs prospexi: quo mare semper*

*Feruet, & vndisonum est; formidatuq; carinis.  
 Quæ semper regio est, nunquam & viduata procellis.  
 Dumq; ego sulcarem iam lasso remige fluctus,  
 Ionij similes fluctus, Adrieq; tument  
 Non ego furabar mea lumina fessa labori;  
 Ipsa sed assidue ventis immota tenebam:  
 Conuersusq; oculos ad sidera lucida, dixi.*

*Exorabilis ALME PATER, mitisque, regenq;  
 Regna, & Olympiacas sedes, terramq; patentem,  
 Et maris immensos tractus: precor aspice vultu,  
 Quo ventos, seuamq; hyemem, & freta pulsa serenas,  
 Et tu, per quem tu peperisti hominemque, Deumq;  
 Unigenam partu insolito; dum hæc marmora lustrò  
 Non prius intentata, prius non cognita nautis;  
 Da nobis solitum auxilium Galilæia virgo.  
 Remos puppis, & hæc tibi vela dicamus aquosas  
 Sæpe hyemes perpeffa, tuo seruata benigno  
 Auxilio superante Noto, superante procella.  
 Dumq; loquor, sternunt placidissima flamina fluctus:  
 Proceduntq; rates equatis per mare rostris.*

*Tandem deueni tranquilla per æquora classe  
 Xaguaram in terram; magnus ditione regit quam  
 Rex populi ingentis, necnon & fertilis agri.*

*Indigenæ hic rutilo tingunt sua membra colore.  
 Rex nigro tantum sese imbuir. hic quoq; regi  
 Naribus, & regni septem primoribus auro  
 Selecto tenuis pendebat lamina, summis,  
 Lamina pendebat labrisq; genisq; putantq;  
 Hoc homini magnum esse decus. Quin fertilis ora  
 Semper habet virides siluas, & mollia semper  
 Gramina, & halantes diuersis floribus hortos,  
 Quos nunquam cinere immundo, cum bruma recessit,  
 Sed*



*Sed riuis passim saturant, vndaq. recenti.*

*Nascitur his etiam siluis mira arbor Hibura.  
Non culmos lædit rubigo, aut carduus horret  
In campis, loliumue infelix, nascitur inter  
Maitij letum gramen, iuccasq. virentes.  
Cernimus hoc etiam tractu turpes Crocodilos,  
Qui cum diffugiunt: rostrum vel in æquore mergunt:  
Continuo suauem iactant de corpore odorem.*

*Vt uero nostrę contraria cęrula classi,  
Et quassata simul rapido naualia cursu  
Aspexi, occasum versus tunc humida carbasa  
Direxi: mora nulla rates decliuis agebat  
Vnda maris, pariterq. notus: ceu missa sagitta  
Aera per Parthi dextra: sic classis amarum  
Oceani scindebat iter, fluctusq. sonoros,  
Et longo cursu, & fremitu quassata marino.  
Quę fluuium sera sub nocte intrauit Hiebrę,  
In morem stagni placidum: tunc iecimus altam  
Ad ripam intortos funes, puppesq. ligamus  
Saxosum ad littus: Dehinc misi ad flumina magni  
Beragux rectum lembis prope littora fratrem  
Armatum multo cum milite, cum vaga pallent  
Sidera, & infusa rebus iam luce rubescit  
Oceanus: qui dum factos ex robore lintres  
Aduerso subigunt fluuiio, rex obuius illis  
Fit, quem non varijs trabibus contextus, at vna  
Abiete coniunctus portabat in æquora lembus:*

*Illi etenim solida faciunt ex arbore puppem  
Quę per lata decem nouies fert cęrula nautas.  
Et regi, & cunctis pingebant membra colore:  
Nudaq. erat, nec onusta manus iaculisue, sagittisue,  
Aut gladio ex palma facto: signisq. petebant,*

Tot nitidis incincta armis, quo tenderet hæc gens.

Dum vero inter se signis, nutuq. loquuntur,  
 Maximus ex numero comitatu accessit ad amnem,  
 Et lauit manibus lapidem, proprijsq. nitentem  
 Imposuit celerans humeris. subitoq. petiuit:  
 Quo sedit rex ipse: putant nanq. esse nefandum,  
 Indignumq. loqui, solita nisi sede sederet,  
 Aut alia dominumq. loci concessit, ut omnes  
 Lustraret fluuij ripas, & viferet oras  
 Littoreas: qui venerunt ad flumen amenum,  
 Vndantemq. auri multo splendore Durubam.

Flumen erat cinctum arboribus, ripisq. recuruis  
 Inter radices quarum, & caua saxa latebat  
 Aurum ingens: nec erat saxum, radixue sub vndis,  
 Quæ non immistas auro seruaret arenas.

His volui classem quassatam sistere terris,  
 Et noua nauigijs intexere robora laxis.  
 Protinus e prora deiecta est anchora in altum  
 Flumen aquæ, qua prædulces sinus accipit vnda.  
 Littus in ignotum pubes Hispana repente  
 Emicat, exploratq. locos, beneolentiaq. arua.  
 Bisdeni excurrunt equites noua rura, domosq.  
 Inuentas referunt, & prata virentia siluis.

Dum uero optabam latis his condere tecta  
 Littoribus, paruaq. domos incingere fossa,  
 Atq. arcem aggeribus vallare, & vimine multo:  
 Bellantum ad littus ruit ingens turba, ferensq.  
 Tela manu, patriosq. enses, & grandia saxa,  
 Atq. implens circum magnis clamoribus aquor,  
 Arcem confestim, & tecta imperfecta petiuit.  
 Mox inimicum ignem tabulis immisit, & omnes  
 Funditus euertit sedes, fossasq. recentes

Aequa-

*Aequauit, cum nox calum tenebrosa teneret.*

*Parte alia bello non aspernanda iuuentus  
Corpora nuda tamen: nostras accedere puppes  
Illorum longe vario clamore vetabat.  
Iamq. sudēs, & saxa cadunt per inania nostris  
Puppibus, atq. auræ strident, & littus utrumq.  
Barbarico clamore sonat, fluuijque, marisque.  
Ipse & eram populo, & regi gratissimus hospes:  
Incola sed tanquam regni, aut moderator habebat  
Hostis, & euersor rerum, regnique, suum nam  
Pellere credebat me limine velle tyrannum.*

*Iam Sol exoriens multo cum lumine sese  
Monstrabat celo, & terris: cum cernimus altis  
Infusum siluis populum, totoq. vagantem  
Littore qui postquam nostras consistere puppes  
Marmore conspexit, iacula intorquebat ad æquor:  
Vociferansq. nemus densum, pontumq. replebat:  
Perq. diem, & noctem gens hæc ad nota cucurrit  
Æquora, tela gerens dextra, læuaq. sagittas.*

*Hic regem mora nulla tenet, cursuq. phalangas  
Collectas in nos totas trahit, & quatit hastam  
Arboream ante alios, & sese sistit ad vndam.  
Temnens Bætica tela, sagittiferamq. cohortem.  
Tota erat haud aliter tellus obducta virorum  
Agminibus, quam cum grauis estas præterit, & iam  
Arboribus ducunt croceum folia ipsa colorem,  
Labunturque, solumq. tegunt, herbasq. virentes.*

*Fossa muniri, & vallo qua littora puppes  
Tangebant, necnon tabulis, septumq. tenerem  
Quamuis exiguum contra tot millia: paruas  
Hic tamen edidimus pugnas, pauciq. fuere  
Illorum ferro occisi, nam ferrea tantum*

*Fundo.*



*Fundebant tormenta ignes, fumumque, sonumq.  
Et quamuis essent primo in certamine victi  
Hi populi, subito tamen imperterrita turba  
Acrior ad pugnas iterumque, iterumq. redibat:  
Et potius pro rege suo, patria. volebant  
Oppetere ad littus, quam sese cernere victos,  
Aut procul a patria pulsos iam rege perempto.  
Et nostras poscunt in prælia sæua cohortes.*

*Horum animi feruor, virtusq. coibat in vnum  
Pellendi vectas longinqua per aquora puppes.  
A tergo tutos mare nos reddebat ab hoste:*

*Non aliter, quam pastores cum nocte sub ipsa  
Conueniunt, suaq. arma ferunt, si turba luporum  
Terruit imbelles pecudes, & septa reclusit  
Vi valida huc illuc agitans armenta. pecusque  
Diripiensq. gregem vacua dominatur in aula.*

*Has etiam fessus decreui linquere terras,  
Quaq. brevis cursus, & non contrarius esset,  
Tendere Quiqueia securo ad littora classem:  
Iamque viam deflexi per freta, ibiq.  
Mansi bisse nos turbata ob cæcula menses:*

*Ipse ego tum Fliscum Ligurem cum milite misi,  
Et Didacum Mendez præclaro a sanguine, & armis  
Insignes ambo dilectæ ad regna Quiqueia,  
Vt magna cuncti scirent me menia Hayti  
Iamaicę ratibus lassis, socijsq. labore.*

*Hoc etiam præter spem nobis accidit, & me  
Supra alios casus passum terraque marique,  
Turbauit: nam Franciscus cum milite Porras  
Ad mare corripuere viam fraterq. recessit,  
Quin etiam toto cum remige, luce sub ipsa.  
Et me cum paucis socijs liquere, morabarque*

*Effrenes*

*Effrenēs inter populos , inimicaq. regna.*

*Indigena vt videre duces abijsse, nec vllas  
In numerum vt nuper pretextere littora puppes,  
Amissi & memores regni , rerumq. suarum,  
Decreuere necem nobis inferre, ratesq.  
Vrere, & in primis passim subducere victum.*

*Iamq. ratus mortis metam aduenisse supremam,  
Et duci immerito ad vitę sine funere finem,  
Absumiq. fame: tanta in discrimina postquam:  
Adductum vidi me me: mea lumina versus  
Conuerti Patrem ęternum, supplexq. rogaui;  
Vt me ipsum , comitesq. malis , tantoq. periculo  
Eriperet: subito iuuit me cęlicolum Rex.  
Defectusq. memor Lunę, fore post breue tempus,  
Primorum partem iussi, plebisq. vocari.  
(Nam presens interpres erat de gente Quiqueię)*

*Conuenere omnes, primi, plebisque, patrumq.  
Dicebatq. vnum esse Deum , qui temperat orbem  
Terrarum, & punire homines pietate carentes  
Vos istis victum vnanimis, vno ore negastis:  
Quos nostri cecinere Cemes in regna Quiqueię  
Venturos, & victuros regna omnia circum  
Oceanı, quo se occiduas Sol vertit ad oras.  
Vos ideo clarum signum aspicietis ab alto,  
Portendet quod iam vobis pestemque, famemq.*

*Vt venere omnes subito, & uidere sequenti  
Noctę laborantem Lunam, sparsamq. cruore  
Subrutilo, necnon consueto lumine cassam:  
Flebant tunc illi attoniti, męstiq. petebant.  
Commissi sceleris veniam, fructusq. recentes,  
Maiciumque, vciaşq. simul, volucresq. ferebant  
Interea Mendez redijt, secumq. reduxit*

*Remigio*

Remigio instructam puppim, qua per mare vectus  
(Vndosum licet) appulimus caua littora Hayti.

Hic ubi iactatas toties à turbine naues  
Aptau curans sociorum corpora victu.

Et tandem Hesperias fessis iam nauibus oras  
Deueni, regemq; adi, & noua regna, nouosq;  
Terrarum tractus memorauimus, & freta magni  
Aequoris, hoc iter est nostrorum hæc meta laborum.

Sic Ligur inuentos intentis omnibus a se  
Oceaniq; situs, nostrisq; incognita nautis  
Sidera narrabat, positas & per mare terras,  
Cum tandem tacuit, mediaq; in nocte quieuit.

Sim licet (vt perhibent) vates non vltimus inter,  
Tybridis, & Mellæ cantu iam ad flumina notus:  
Et primus, qui non nostro sub Sole iacentes  
Ante alios cecini Romana per oppida gentes:  
Christophorus quas exigua cum classe rexit:

Serta tamen myrto, aut edera sperare canendo  
Non ausim: sat erit tantum (nam maximus inter  
Es mihi mortales, & eris mihi maximus olim,  
Dum reget hos artus cæli spirabilis aura, )  
Sic hæc PERENOTTE leges, tibi cum dabit ocia magnus  
Hesperia rex extrema, quo Principe terras  
Iustitia, & pietas, virtusq; antiqua reuifit.

FINIS.



# GRATIAS AGIT MARIAE VIRGINI.



*V*AS habeo grates tibi nunc *MARIA*  
*ALMA* referre.

Non opus esse reor nostrę, nam gloria va-  
tum es,

Cum tu *Virgineo* partu letata dedisti

*Auctorem* vite *Christum*, populisq; salutem,

Errabant qui iam in tenebris, caligineq; atra.

Tu pedibus lunam premis, & tibi plausibus ether

*Assurgit*, cęliq; agitant noua gaudia ciues.

Te mulier dubij metuens discrimina partus,

Inuocat extensis manibus, piętamq; tabellam,

*Donaq;* multa tholo, nixu iam libera figit.

Mortales meritis celebrant te laudibus omnes,

Qua linquit nos Sol, & qua se tollit ab oris

*Aurora*, secum ducens lucemq; diemq;.

Tu nitidum cęli lumen, tu Regis ab alto

*Sanguine* *Dauidicam* longo genus ordine ducis.

Ipse autem (duce te) non nota ad littora *Cubę*

*Christophorum* ante alios, per tot vada cęrula vexi.

*A*q. illum in portus sine tempestate reuexi.

Nam tua lux monstrauit iter, strauitq; per aquor,

Oceani

Oceani insanos fluctus. virgo alma licet sit,  
Non felix nostrum carmen, sed inane, tibiq;  
Oblatum tamen ex animo, precor accipe, quamvis  
Vis illa ingenij nobis, roburq; rediret,  
Cum malis non caneat, nec crine inuentus,  
Tot merita haud possem numeris æquare canendo.

Nanq; tibi tantum debet mea pagina: quantum  
Non vnquam possem par reddere, si mihi detur  
Ut nostri quondam patres vixere, priusquam  
Effusi caderent tractim de nubibus imbres,  
Et nulla immensus cum littora pontus haberet,  
Fluctibus & rapidis perplexum inuolueret orbem  
Terrarum, genus, atq; hominum, volucresq; ferasq;

FINIS.

EPITAPHIUM  
HIPPOLYTI CAPILVPI  
EPISCOPI FANENSIS

In Christoph. Columbum Genuen.



Ligur Italiae decus, & lux certa Columbe,  
Heu brevis extinctū te quoq; testa capit.  
Te modo non potuit terras qui amplectitur  
omnes

Oceanus, magno continuisse sinu.

Illius es fines ultra rate vectus ad Indos,  
Quo prius haud pennis fama tetendit iter.

E I V S D E M.

A L I V D.

Tiphys nauigij ne certet laude Columbo,  
Quamuis Aemoniam rexerit arte ratem.

Egregijs etiam factis huic cedat Iason,  
Sit licet aurata pelle superbus onis.

Hic classē Oceani vesanis rexit in undis,  
Qua non ante vagus nauita fecit iter.

Orbeq; diuisum nostro penetrauit ad orbem,  
Primus & innumeris auxit vtrumq; bonis.

E I V S-





E I V S D E M

A L I U D.

*Parna licet cineres liguris tegat Urna Columbi.  
Æta tamen cælo vix potuere tegi.  
Huius facta sonant qua Sol oriturq; caditq;  
Quaq; micant alto lucida signa polo.  
Alter & hunc obitus Phœbi miratur & ortus,  
Æstraq; sub nostro quæ pede clara nitent.  
Primus enim ignotum celeri trabe relictus ad orbem est,  
Primus & ignoto fidere rexit iter.*

F I N I S.







H 585<sup>c</sup>  
G 188d









